

F. VINCENTII MARIAE  
DINELLI  
CATHEDRATICI CASANATENSIS  
ORDINIS PRAEDICATORVM  
A D  
CAROLUM NOCETIUM  
SOCIETATIS JESV THEOLOGVM  
DE DANIELIS CONCINAE  
*In indicandis , describendisqve Casuistarum locis  
summa fide , ac diligentia*  
EPISTOLAE .



ROMAE , MDCCLVI.  
Apud Haeredes Jo: LAURENTII BARBIELLINI .  
SUPERIORVM FACULTATE.

NOS FR. VINCENTIUS MARIA  
FERRETTI

*Sac. Theol. Professor , ac totius Ordinis  
FF. Praed. humilis Mag. Vicarius  
& Procurat. Generalis ,  
& Servus .*

**H**Arum serie , Nostrique auctoritate Officii , quantum in nobis est , facultatem concedimus A. R. P. Magistro Fr. Vincentio Mariae , Dinelljo Provinciae Nostreae Romanae , Cathedra- tico Casanatensi typis edendi opus ab ipso elaboratum , cui titulus : *ad Carolum Nocetium Societatis Jesu Theologum de Danielis Concinae in indicandis , describendisque Casuistarum locis summa fide , ac diligentia Epistolae : dummodo a duobus RR. PP. Nostri Ordinis Sacrae Theologiae Professoribus praelo dignum judicetur , & ferventur cetera de jure servanda . In nomine Patris &c. In quorum &c. Datum Romae in Conventu Nostro S. M. S. M. die 19. mensis Junii 1756.*

Fr. Vincentius Maria Ferretti  
*Vicarius , & Procurat. Generalis  
Ord.*

Reg. pag. 23.

Fr. Thomas Ignatius Maria Natta  
Mag. & Socius .

A P-

# APPROBATIONES.

**J**Ussu Reverendissimi Patris Fr. Vincentii Mariae Ferretti totius Ordinis Praedicatorum Vicarii Generalis legimus Librum, cui titulus est: *Fr. Vincentii Mariae Dinellii Cathedratici Casanatensis Ordinis Praedicatorum ad Carolum Nocetium Societatis Jesu Theologum de Danielis Concinae in indicandis, describendisque Casuistarum locis summa fide, ac diligentia Epistolae.* In quo cum nihil offenderimus, quod fidei Catholicae, bonisque moribus adversetur, dignum judicavimus, qui typis ederetur. In quorum fidem &c.

Datum Romae in Aedibus S. Mariae supra Minervam die 19. Junii 1756.

*Fr. Angelus Spannocchi Ord. Praed.  
Magister, & Prior Minervitanus.*

*Fr. Alexander de Pretis Ord. Praed.  
Sac. Theol. Lector.*

**D**E mandato Reverendiss. Patris Josephi Augustini Orsi Sacri Apostolici Palatii Magistri attente legi librum, cui titulus: *Fratri Vincentii Dinellii Cathedratici Casanatensis Ordinis Praed. ad Carolum Nocetium Societatis Jesu Theologum de Danielis Concinae in indicandis, describendisque Casuistarum locis summa fide, ac diligentia Epistolae;* cumque nihil offenderim, quod fidei, aut bonis moribus contradiceret,

iv

quantum mea interest, typis mandari posse existimo.

Datum Romae die 19. Junii 1756.

*D. Maurus Aloysius Belcredi Congr. Casinensis,  
Sac. Theolog. Lector.*

---

J. M. J.

**J**USSU Reverendiss. P. Josephi Augustini Orsi  
Ord. Praed. S. Palatii Apostolici Magistri, at-  
tente legi librum, cui titulus: *Fr. Vincentii  
Mariae Dinellii Cathedratici Casanatensis Ordinis  
Praed. ad Carolum Nocetium Societat. Jesu Theo-  
logum de Danielis Concinae in indicandis, descri-  
bendisque Casuistarum locis summa fide, ac dili-  
gentia Epistolae*; in quo nihil reperi, quod cum  
fide, bonisque moribus repugnet, atque adeo  
edi posse existimo.

Ex Collegio S. Mariae de Victoria die 19. Ju-  
nii 1756.

*Fr. Eduardus a S. Xaver. Carmel. Excalc. olim Sac.  
Theologiae Praelect. nunc vero supremas Genera-  
lis Inquisitionis Qualificator.*

---

I M P R I M A T U R,

Si videbitur Reverendissimo Patri Sac. Pal. Apostol. Mag.  
*F. M. de Rubeis Patr. Const. Vice/g.*

---

I M P R I M A T U R,

Fr. Vincentius Elena Reverendissimi Patris Mag. Sac.  
Pal. Apost. Socius.

EPI.



# EPISTOLAE VI.

## ARGUMENTUM.

### CXVII.



*Reponit causas, cur tam multis de quovis Casuistas disputet. CXVIII. Lecchium, & Vivam non injuria in Barbeyraci refutatione a Concina nominatos dicit: ab iis enim Augustini de ignorantia praeceptorum juris naturalis sententiam, qua Barbeyracus abutitur, contortam esse. CXIX. Porro Lecchii nominandi causam Concinae fuisse, quod ea de re olim fuisset inter ipsos concertatio. Nam si Concina, ut contendit Nocetius, creare voluisset Jesuitis invidiam, non fuisset defuturos Platellium, Rhodesium, aliosque permultos, quos Barbeyracus*

*cum*

VJ. EPISTOLAE VI.

cum erroris Auctores sequutum diceret. Demonstrat deinde cur Sixtus Senensis praetermissus sit, quantumque inter Probabilistas, & Dominicanos Scriptores differat. CXX. Pergens inde ad Lessium, docet ab hoc Casuista parvitatem materiae in genere luxuriae propugnari. CXXI. Hunc enim in hac quaestione ita versari, ut ab Aravio, ceterisque ejus laxitatis fautoribus non dissentiat. CXXII. Escobarium autem non multum ab ea laxitate distare dicit. Ceterum quod is auctor minus recte citatus fuerit, non id Concinae quidem, sed Salmanticensibus dari vitio oportere. CXXIII. Rursus de Lessio sermonem instituens, exponit ejus de mutuo sententiam. CXXIV. Tum a Concina Serram, atque Ledesnam Dominicanos fuisse praetermissos, plane negat. CXXV. Eam vero opinionem, ex Tamburino, visam Lessio probabilem cum Evangelio tamen pugnantem, recte in Catalogum damnabilium referri docet. CXXVI. Tertium, de Lessio disputat: huncque D. Th. verba pervertisse demonstrat. CXXVII. Ac non verba modo, verum sententias quoque falso D. Th. imposuisse; cum quid Lessium inter, ac D. Th. intersit, in opinione de accepto ob turpe lucrum ostendit. CXXVIII. Neque vero S. Thomam modo, sed reliquos etiam Thomistas omnes, potissimum vero Antoninum, atque Cajetanum ab ea sententia abhorrere. CXXIX. Lessium porro, aliosque, qui Clericos a crimine, si negotiationes exerceant, liberant inepte admodum ostendit explicari a Nocetio. CXXX. Nocetia auctor est Dinellius, ut quoniam Magistros se Dominicanos sequi gloriatur, iis praetermissis, quorum est notus error, reliquos sibi ad sequendum proponat. CXXXI. Quae iterum de contractu Mobatra, Lessii sit opinatio, exponit: aitque eam nihil ab damnata ab Innocentio XI, eadem in re, propositione distare. CXXXII. Id vero ma-

gis

gis constare ex iis verbis dicit, quae ex relata a Nocetio Lessii ejusdem sententia construuntur. CXXXIII. Proponit, qua ratione possit Lessius a contradictionis vitio liberari. CXXXIV. Salmanticensium autem testimonio usum fuisse Concina scribit, ut ab Lessio negari Bullae S. Pii V, quae est de Officio B. V. pensionariis recitando, auctoritatem, diceret. Con-  
fuisse autem Lessium Pontificum Constitutiones haud magni aestimare, propositis exemplis demonstrat. CXXXV. Cardinalis de Lugo sententiam recte omnino ab Concina exponi confirmat. Lugo enim secum ipsum pugnare, & verbis ludere. Neque profici quicquam Lugi opinioni iis verbis, quae sunt a Concina praetermissa. CXXXVI. Rursus de de Lugo disputat, ostenditque plane verho tenus ab ipso, quod propositum est, negari, affirmari autem re ipsa: propterea quod quaerens liceat ne scortis retinere pretium meretricii a Religiosis viris acceptum, neget licere: tum vero utrinque constitutis rationibus, affirmantes non solvat; negantes solvere conetur. CXXXVII. Rursus: etiam, quod, etsi negantem probabilem dixerit, affirmantem tamen in praxi tuto sequi quemque posse comminiscatur. CXXXVIII. Idem esse de Pellizario judicium, qui Card. de Lugo verba serme syllabatim descripserit. CXXXIX. Ostendit Salmanticenses Cardinali de Lugo laxitatem, qua adulteri utrique, incerta prole a damno sarciendo liberantur, tribuisse. Iis itaque, non Concinae id vitio esse vertendum. CXL. Nam quod contendit Nocetius legi auctores ab Concina in fonte oportuisse, inane esse: satis namque fuisse, quod Concina Lectores monnerit, permulta a Casuistis in hoc genere peccari. Neque vero tantam esse Casuistis adjungendam auctoritatem, ut cujusque eorum opiniones ab aliis Scriptoribus indicatas, singulas apud eos ipsas adire opus sit, a quibus feruntur

viii EPISTOLAE VI. ARGUMENTUM.

tur esse profectae; vel eo potissimum, quod nullam adhuc repperit Nocetius ab Concina relatum Casuistarum opinionem, quae ab iis non fuerit propugnata. CXLI. Negat vitiatam fuisse a Concina Card. de Lugo sententiam de leuiore satisfactione tempore Jubilaei poenitentibus imponenda. CXLII. Parvi autem referre, quod Nocetius sumit, ipsis poenitentibus Jubilaeum pro satisfactione imponi. Satis enim esse, ne fraudis insimuletur Concina, docuisse Lugum modicas injungi poenitentias posse. CXLIII. Multis porro de causis consistentibus poenitentias injungi: quapropter nihil prodesse Lugo inductam a Nocetio D. Tb. sententiam, qua docet posse indulgentias in satisfactionem applicari. CXLIV. Johannem Marin quem vindicat Nocetius, Moyae discipulum: ignotum sibi Auctorem ex librorum prohibitorum indice cognovisse se primum Dinellius praeponit. CXLV. Sententiam itaque propugnantem eum qui virginitatem voverit, ad castitatem non teneri, evincit non ab Concina Marino affictam, sed vere ipsi fuisse probatam. CXLVI. Inaniter queri Nocetium de Concina concludit, quod bis in Indice Marini nomen legatur. Hujus fortasse Auctorem non esse Concinam. Ceterum multa esse in indicibus praetermissa, quae si indicata forent, minus Nocetio placerent.





FR. VINCENTIUS MARIA

DINELLIUS

ORDINIS PRAEDICATORUM

CAROLO NOCETIO

SOCIETATIS JESU

S. P. D.

CXVII.



Tſi verebar, ne cui multa de  
unoquoque Caſuiſta diſputa-  
re viderer, & plura, quam  
Concinae obijcias, aut tua,  
aut tuorum Caſuiſtarum er-  
rata in te ipſum reſerere conari, tamen de-  
ſiſtendum a ſuſcepto conſilio non putavi, ut  
qui, ut alibi dixi, dicamque fortasſe ſae-  
pius, animadvertiſſem, accuſationem *impoſtu-  
rae* tum maxime reſelli, cum oſtenſum fue-  
rit,

Q

rit, potuisse Concinam multo plures, quam numerarit, numerare Probabilistarum lapsus, adeoque opus ei non fuisse mendacio, quamobrem esse cuique ab eorum dictis, sententiisque cavendum praedicaret. Accedit praeterea, quod, cum saepe lectorum fidem, & iudicium appelles, praeque te feras, magnopere confidere te, ut omnes, causa cognita, tibi assentiantur, Concinaeque, uti vocas, *imposturas* agnoscant, necesse esset omni copia argumentorum ostendere, nihil esse tibi optandum magis, quam ut tua ne perpauci quidem legant, ferantque, rebus accurate perspectis, de te, tuaque descriptione sententiam. Quam enim eos laturos putas, cum intelligent, te non modo nullam hactenus imposturam Concinae evicisse, sed ne conatum quidem evincere fuisse, quin tu ipse in magnum aliquod incideres erratum, quod nullam susciperet excusationem, & ex quo cum optima Concinae fides, tum tua in eo accusando insignis negligentia, nolo enim gravius dicere, perspicui posset? Num fingo? Num mentior? Num inaniter Concinae plaudo? Vince, si potes, non saepe te Casuistarum, Theologorumve testimonia, quibus Concinae imposturam demonstrare velles, sic esse interpretatum, ut neque  
per-

perspicuae eorum sententiae, neque Latinae orationi tua interpretatio conveniret. Quod errati genus, si ne illi quidem, qui domi suae sibi aliquid scribat, ignosci solet, quid de illo fiet, qui ejusmodi testimoniis abutitur, ut egregii scriptoris *imposturae* accusatione fidem labefaceret? De argutiis autem, & de perpetuo quodam cavillandi genere, quo vel manifesta Casuistarum peccata obtegere, vel ex Concinae verbis *imposturas* elicere conaris, quid dicam? Eritne quisquam, qui si animadvertat, te, levissima quaque de causa, puta cum negas (pag. 124.) usurpatum ab Casuista fuisse aliquod, *non, conceptissime*, *imposturae*, aut calumniae crimen obijcere; non statim intelligat, id egisse te, ut qua jure, quaque injuria Concina impostor haberetur, & non quidem accusationem pro defensione, sed defensionem pro accusatione suscepisse? Si quis est, qui hac de re post tot exempla adhuc dubitet is quae mox de Lecchio dicturus sum, diligenter expendat; nam facile fiet, ut omnem abijciat dubitationem, cognitoque accusatorum Concinae ingenio, mihi vehementer assentiatur.

CXVIII. Inscribis igitur cap. LVIII. libelli tui: *vindicantur ab invidiosa impostura PP. Lecchi, & Viva*. Nego, hos duos

*De Lecchio & Viva.*

Casuistas ulla affectos injuria, ullave invidiosa impostura esse a Concina dehonestatos. Nam is Tom. 6. pag. 13. Barbeyracum, eo nomine redarguit, quod in *Tractatu Moralis Theologiae Ecclesiae Patrum* velit Augustinum id, quod ad jus naturale pertinet, ignorasse, & ignorari posse docuisse; & postquam locum Augustini, quo Barbeyracus abutitur ex cap. 26. de Serm. Dom. in Monte descripsit: „Textum hunc, inquit, „ non opposuere neque Dallaeus, neque „ Clericus severissimi Augustini censores. „ Ex suis ergo laudatis Magistris, illum, „ quemadmodum cetera adversus Patres, „ non transcripsit Barbeyracus; sed *ex notis inferioris subsellii Casuistis*, qui „ eundem allegant, ut juris naturae ignorantiam ex Augustini mente invincibilem „ ostendant. Alter ex iis est P. Dominicus „ Viva, qui in commentariis ad secundam „ Propositionem Alexandri VIII. num. 2. „ falso in sensu laudatum Augustini textum „ obtrudit, ubi etiam truncatum D. Thomae textum exhibet, ut suam roboret „ opinionem. Alter vero P. Lecchi, qui „ in suo opere inscripto: *Avvertenze contraposte all' Istoria del Probabilismo*, hunc „ locum mihi objecit, ut id ipsum evince-

„ ret,

„ rêt, quam vero irritò conatu alias osten-  
 „ di in libro, cui titulus: *Esplicazione di*  
 „ *quattro paradossi* pag. 12. „

Ecquid hic imposturae invenire potui-  
 sti? Nam plerosque Casuistas, ut suam sen-  
 tentiam: *de ignorantia invincibili praece-*  
*ptorum juris naturalis* defenderent, abusos  
 esse Augustini testimonio, quo sane abuti-  
 tur Barbeyracus, tam perspicuum est, ut a  
 nemine negari possit? Neque alienum erat  
 ab instituto Concinae arguere inscitiam, &  
 impudentiam Scriptoris Calviniani, qui,  
 ut invidiam crearet Augustino, locum pro-  
 tulisset, de quo saepe, & multum disputa-  
 tum esset a Catholicis, & in eo interpretan-  
 do potius paucorum Casuistarum, quam  
 ceterorum Theologorum judicium sequi  
 maluisset. Nihil est igitur in Concinae ora-  
 tione, quod ad invidiam Casuistis creandam  
 pertineat.

CXIX. At sequitur, inquis, ex oratione  
 Concinae, quod si eidem, habenda est fi-  
 „ des, Barbeyracus haereticus textum  
 „ illum Augustini exscripsit ex nostris in-  
 „ ferioris subsellii Casuistis. Quorum al-  
 „ est P. Lecchi, alter P. Viva. Ergo  
 „ P. Lecchi, & P. Viva praemonstrato-  
 „ res fuerunt illi Haeretico, & magistri;

„ ut eo textu abuteretur contra mentem,  
 „ Augustini, & contrā Patrem Cellier. Si  
 „ ita se habet res, librum suum composue-  
 „ rit, oportet, P. Lecchi ( ut de hoc pri-  
 „ mum loquar ) aliquot saltem dies ante  
 „ illum Tractatum Barbeyraci, ut eum le-  
 „ gere Barbeyracus, & textum Augustini  
 „ exscribere inde posset • Nonne ? Ita,  
 „ profecto . Bene . P. Lecchi, ut patebit  
 „ legentibus, librum suum edidit Anno  
 „ 1744. »

Satis est. Vis enim, ut concedamus,  
 Barbeyracum, cum scripserit Anno 1728.  
 non potuisse ex Lecchio, immo vero ne ex  
 Viva quidem, qui eodem Anno 1728. *Tru-*  
*tinam* edidit, locum sumere D. Augustini,  
 quod libenter tibi concedo . Sed quid profi-  
 cis ? An non alii, praeter Vivam, & Lec-  
 chium, fuerunt Casuistae, qui *juris natura-*  
*lis ignorantiam* defenderent, & hoc loco Au-  
 gustini abuterentur ? An non scripserat an-  
 te Barbeyracum Platelius ? Non scripserat  
 Rhodes ? Non scripserant alii bene multi,  
 quos non est necesse commemorare ? Hi igitur  
 locum Augustini Barbeyraco praemon-  
 strare potuerunt . Neque Concina scripsit,  
 Barbeyracum ex Viva, & Lecchio, *sed ex*  
*nostris inferioris Subsellii Casuistis* accepisse .

Ex

Ex quo intelligere poteras, eum non nominare quemquam, sed genus illud scriptorum indicare, qui locum Augustini Barbeyraco praemonstraverunt.

At Concina, inquires, statim nominat Vivam, & Lecchium. Quidni? sunt enim etiam hi duo ex eorum Casuistarum numero, qui hoc loco Augustini pro juris naturalis ignoratione depugnant. Sed hic advertendum; nam eos ideo nominavit, ut moneret lectorem, jamdudum sibi cum Lecchio de hac ipsa Vivae doctrina, & testimonio Augustini fuisse altercationem, non ut ab his locum, de quo est sermo, a Barbeyraco sumptum fuisse demonstraret; nam si quemquam nominatim indicare voluisset, ex quo verisimile esset Barbeyracum locum Augustini accepisse; non deerant Platelius, Rhodes, & alii plerique, quos impune nominaret. Nihil enim ad conflandam hanc invdiam Casuistis, quando tibi videtur hoc animo egisse, intererat, utros nominaret: Platelium ne, an Vivam: Rhodesium ne, an Lecchium? Neque vero tam erat hujus controversiae imperitus, ut qui primum loco Augustini abusi essent nesciret.

Quare autem Concina Sixtum Senensem, cui videtur (lib. 5. annot. 89.) Au-

gustinus huic ignorantiae juris naturalis favere, non nominarit; haec caussa est, quod is Casuista non esset, neque necesse esset, cum a Concina nominari. Nam cum divinae non posset ecquem tandem ex iis, quibus haec interpretatio loci Augustini probaretur, Barbeyracus potissimum legisset, constaret tamen inter omnes, plures esse Casuistas, qui eam pugnacissime defenderent, recte scripsit, id quod erat simillimum veri, Barbeyracum de moribus differentem, non ex interprete sacrorum Bibliorum, sed ex nostris inferioris Subsellii Casuistis, qui de moribus agerent, eam accepisse.

Quando tamen Sixtum Senensem obiecisti, disce ex Sixto Senensi quid intersit inter Dominicanos, & Probabilistas. Illum nemo sequitur; quinimmo falsus est Milante, atque ego fateor, hallucinatum esse in loco Augustini interpretando. Quid tu? Quid tui Probabilistae? Platelius ecce qui peccat, & locum Augustini male interpretatur. Num finis in Platelio factus est errandi? Nihil minus. Platellum Rhodes, Rhodesium Viva, Vivam Lecchius; Lecchium, ut alios omittam, sequitur Nocetius. Quid istuc est, nisi alium ex alio errorem accipere, & continenter propagare?

Cum



Cum nos ita facere reperies, tum Sixtum Senensem obijcito.

Noli mirari quod Lecchium te sequi dixerim. Quid enim scribis in extremo capite? *Ego non disputo, recte ne, an secus Augustini mentem interpretentur Sixtus Senensis, Lecchius, & Viva; in has me difficultates non induo; quaestiones non resolvo.* Quid tibi velis, cum ita scribis, dixi in extrema Epistola quinta. Nam cum habere te putas, quod tuorum opiniones defendas, aut cum eadem tolerabiles tibi videntur, tum libenter disputas, & *quaestiones resolvis*; cum deterrimae sunt, tum disputare te nolle dicis, tum assensionem cohibes. Noli sic agere. Nam primum ferri potest, alterum omnino non potest: non licet enim Theologo, cum opinio falsa est, esse suspensio.

CXX. Venio ad Lessium, quem cap. XLII. *De Lessio.* libelli tui adscriptum a Concina fuisse doles in numerum eorum, qui materiae parvitatem in genere luxuriae defendunt. Hanc quaestionem instituit Concina Tom. IV. pag. 444., enumeratque instituto suo hujus sententiae fautores hoc modo: „ Adfirmat Pa-  
„ ter Thomas Sanchez lib. IX. de Matrim.  
„ disp. XLVI. num. 9. item num. 39. In po-  
„ steriorem tamen editione istius sententiae  
„ re-

„ retractatio legitur . Caramuel in Theol.  
 „ Regul. disp. lxxix. num. 1552. , & seq.  
 „ Escob. Theolog. Moral. tract. 1. exam. 8.  
 „ cap. 3. Lessius lib. iv. de Just. cap. 3. dub. 8.  
 „ num. 49. ( 59. ) Aravio in 1. 2. D. Thomae  
 „ quaest. lxxiv. art. 10. dub. ult. Zanard.  
 „ in Direct. part. 1. cap. xli. quaest. xxviii. ,  
 „ alique non pauci , , .

Eo locum integrum descripsi , quod  
 animadvertas velim , non esse praeteritos  
 duos Dominicanos Aravium , & Zanardum .  
 Id quo pertineat non ignoras . Itaque videamus  
 quam ob rem doleas , non esse praeteritum  
 Lessium : , Hic negat , inquis , placere si-  
 „ bi ejusmodi sententiam . Nam lib. 4. de Just.  
 „ cap. 3. dub. 8. num. 59. scribit : *Haec*  
 „ *sententia* ( de parvitate materiae in ge-  
 „ nere luxuriae ) *videri possit alicui* ( non  
 „ dicit sibi ) *probabilis* , & *speculative ve-*  
 „ *ra* . Unde in eam valde inclinatur Navarrus ,  
 „ eamque tenet Martinus de Magistris , &  
 „ aliqui Recentiores .... Verum communior  
 „ *sententia est in istis esse peccatum mortife-*  
 „ *rum* ; quae & mihi probatur ; tum quia  
 „ *communior* ; tum quia tutius est , ut omnia  
 „ *ista quam maxime vitentur* , , .

Ludificaris lectores , mi Noceti , ne-  
 que satis animadvertis quid deceat vindicem

ve-

veritatis . Auferas licet illam parentesim ,  
*de parvitate materiae in genere luxuriae* ,  
 non enim respondet Lessius his verbis quae-  
 stioni *de parvitate materiae in genere luxu-  
 riae* , sed huic alteri num. 38. propositae .

„ Sed difficultas est de osculo , qua-  
 „ tenus ipsum per se est actus delectabilis  
 „ carni , & remote disponens ad seminatio-  
 „ nem : utrum si quis hac ratione illo uta-  
 „ tur , non intendens ulteriorem volupta-  
 „ tem , quam quae praecise ex ipso osculo  
 „ nascitur peccet mortifere , seposito pe-  
 „ riculo pollutionis , & ulterioris consen-  
 „ sus „ .

Huic , inquam , quaestioni respondet  
 Lessius iis verbis , quae abs te prolata sunt ,  
 negatque eorum sibi placere sententiam , qui  
 ejusmodi osculum leve peccatum esse defen-  
 dunt . Sed cum ipse tria argumenta , qui-  
 bus haec sententia probari posset instituto  
 Scholae sibi proposuisset , in altero solven-  
 do labitur , parvitatemque materiae in  
 hoc genere peccati admittere non dubitat ,  
 Ne nega ; nam cum alterum argumentum  
 esset hujusmodi : „ Secundo : in aliis pecca-  
 „ torum generibus dantur non solum pec-  
 „ cata gravia , sed etiam levia , ratione par-  
 „ vitatis materiae , ut patet in furto , in  
 „ de-

„ detractiōe &c. . . . . cur non etiam in  
 „ peccatis luxuriæ detur parvum ratione  
 „ materiae , quod non sit nisi veniale ,  
 „ etiamsi cum plena deliberatione fiat ? „

Hoc modo respondet : „ Ad secundam:  
 „ etiam hic forte potest dari materia parva,  
 „ ut si contactus sit adeo levis , & brevis ,  
 „ ut non sit aptus notabilem commotionem  
 „ excitare . Dicit etiam potest , etsi in con-  
 „ tactu non sit materia levis , posse tamen  
 „ eam dari in visu , & hoc sufficere „ .  
 Quid ais ? admittit Lessius , nec ne , quae-  
 dam peccata esse levia in genere luxuriæ ?

CXXI. Non autem illud modo intelligi  
 volo, Lessium ita sentire; sed etiam nihil am-  
 plius dicere , aut velle quam quod hoc lo-  
 co docent ceteri hujus sententiae fanto-  
 res . Audi nostrum Aravium 1.2. quæst. 74.  
 art. 10. dubio ultimo . » Consequens ta-  
 „ men ( dari parvitatem materiae in genere  
 „ luxuriæ ) esse falsum ostendunt contra  
 „ Cajetanum , & Tabienam in locis citat.  
 „ Navarro in summa cap. 14. , & Sanchez  
 „ loc. cit. , num. 16. ea ratione demonstra-  
 „ tiva : quia possunt hujusmodi tactus esse  
 „ leves , & leviter habiti , etiamsi eorum  
 „ delectatio per se intendatur ab operante ,  
 „ & alias sit turpis , & libidinosa : tamen  
 „ est

„ est modica, & levis materia in genere  
 „ turpis delectationis : sed in aliis generi-  
 „ bus peccatorum mortalium ex obiecto  
 „ modica, & levis materia excusat actum  
 „ a culpa mortali : ergo pariter in nostro  
 „ casu „ .

Ecce tibi primum id, quod maxime volo, rationem, qua utuntur hujus sententiae fautores, nihil sane ab ea, qua utitur Lessius, discrepantem : deinde lapsum eodem errore Thomistam, ideo quod Tabienae, & Cajetano Sanchezium, & Navarrum temere praetulerit. Quod sane miror ; nam Cajetanus doctrinam D. Thomae, & praefertim 2. 2. quaeft. 64. articulum quartum omnium optime, verissimeque explicavit, Scio, Sanchezio visum esse D. Thomam *lubrice* in hoc articulo, vel alibi esse locutum ; sed utinam in hoc genere quaestionis fuisset ipse pari, ac fuit Divus Thomas, cum modestia orationis, tum castitate, & severitate doctrinae : atque utinam ad eum, ejusque similes Casuistas legendos nunquam accessissent aliqui Dominicani : omnino in, laxas opiniones non incidissent. Nam etsi fateor, errasse quandoque veteres Thomistas, saepius tamen, inque errores graviores incidisse video eos, qui saeculo superiore ac-  
 qua-

qualium Casuistarum lectione, plusquam decebat Dominicanum, delectati sunt. Nam cum Candido, Serra, Aravio, Zanardo, La-Crus non habemus deteriores; tum nihil in his frequentius occurrit, quam eorum, qui tum celebrabantur, Casuistarum nomina, & auctoritas. Sed si nihil admirati essent, si nullum, praeter Divum Thomam, morum Magistrum requisissent; neque tam laxis opinionibus libros suos inquinassent, neque commisissent, ut majorum suorum dissimiles haberentur.

CXXII. Venio ad Escobarium, quem perinde ac Lessium inter hujus sententiae fautores referunt Salmanticenses tract. xxvi. cap. 3. punct. 4. num. 79. hoc modo: *Escobar Theolog. Moral. tract. 1. exam. 8. cap. 3. num. 75. & alii*: cujus tamen loci haec est sententia., Datur ne in rebus venereis par-  
 ,, vitas materiae? Minime. Cum enim,  
 ,, nulla sit tam exigua fornicatio, quin sit  
 ,, peccatum mortale; & delectatio sequa-  
 ,, tur naturam actus, omnis delectatio mo-  
 ,, rosa in hac materia erit peccatum morta-  
 ,, le,,. Ita quidem scribit Escobarius, sed  
 tamen ibidem, nec non lib. 33. Theolog. Mo-  
 ral. cap. 9. num. 66. pleraque docet huic  
 sententiae parum consentanea, ob quae for-  
 tasse

tasse Salmanticenses sententiae agentis fautoribus annumerandum putarunt : alioquin non video, qui scribere potuerint agenti sententiae adhaerere eum, qui negantem tam aperte defendit: nisi forte, cum multi fuerint post natum Probabilissimum, qui sententiam de parvitate materiae in genere luxuriae vehementer adamarint, suspicavi licet, ex eorum numero fuisse Escobarium; sed eam postea vel ipsum correxisse; vel, ut ex operibus Sanchezii, ita ex posterioribus hujus operis Escobarii editionibus, quas Salmanticenses non viderint, aliorum opera esse, sublatam. Utcumque tamen se res habeat non magnopere contendam. Dabo tibi ex eorum numero, qui sententiam defenderunt de parvitate materiae in genere luxuriae eximi oportere Escobarium. Illud tamen miror, tamdiu vos cum indefensum reliquisse, & longo tot annorum intervallo vestrum neminem extitisse, qui Salmanticensium errorem emendandum curarit. Itaque magnam gratiam Concinae habere debetis, qui vos ad hoc studium excitavit, in eamque cogitationem adduxit, ut tandem vestros Casuistas, qui falso ab aliis vocarentur in subsidium falsarum opinionum, vindicandos putaretis. Unum doleo, quod valde exiguum laboris

vestri fructum sitis relaturi ; eo quod , ut ex hac mea defensione intelligo , valde pauca sint , in quibus aliquis Leandri , aut Salmanticensium error deprehendatur . Quamquam non erat tam longa Concinae defensione opus . Nam cum non calumnia , sed indiligentia Salmanticensium , si modo hi errarunt , lapsum fuisse certum est . Ac non eguisset ille mendacio , si odio incitatus ad scribendum fuisset . Si enim laxas opiniones Escobarii numerare instituisset , diu quidem ei laborandum fuisset . Est enim Escobarii haec summula plena monstrorum opinionum . Id , si negas , promitto tibi , atque recipio , me allatis Escobarii ejusdem pluribus locis demonstraturum :

*De Lessio  
iterum .*

CXXIII. Agis iterum de Lessio cap. LXVI. Is lib. 1. cap. 20. dub. 14. quaestionem instituens : *Utrum ratione carentiae pecuniae , seu obligatione non repetendi ante certum tempus aliquid exigi possit ?* tria praeponit , quibus effici videtur , aliquid exigi posse . Tertium est num. 123. „ quia sicut aliis re-  
„ bus , & oneribus potest aliquod praetium  
„ imponi , ita etiam oneri carendi sua  
„ pecunia tanto , vel tanto tempore . Cum  
„ enim pecunia sit instrumentum negotian-  
„ di , & privare se instrumento suae artis  
„ sit



„ sit pecunia aestimabile , cur non etiam  
 „ mercatores poterunt carentiae pecuniae  
 „ pretium aliquod communi consensu im-  
 „ ponere , praesertim si ratio boni commu-  
 „ nis id postulet „ ?

Hanc Lessii propositionem retulit Con-  
 cina Tom.vii. pag.66. in Catalogum earum,  
 quae dignae videntur damnatione ; quam-  
 obrem eidem vehementer succenses;eumque  
 accusas *imposturae* propterea quod perspi-  
 cuum esset, Lessium ea praeponere argumen-  
 tandi causa , statimque dissolvere , & negan-  
 tem amplecti sententiam. Ait enim; „ Hae ra-  
 „ tiones videri possint alicui probabiles, po-  
 „ tissimum tertia .... nihilominus sentio, non  
 „ esse tam laxas habenas mercatoribus dan-  
 „ das , nec illis concedendum , ut quid-  
 „ quam supra sortem exigant , si illis ex ca-  
 „ rentia pecuniae nullum lucrum cessat, nul-  
 „ lum periculum impendet , nullum incom-  
 „ modum metuitur . Primo quia sententia  
 „ illa videtur nova, nec illam apud auctores  
 „ reperio ; ac proinde in re morali tanti  
 „ momenti non facile admittenda . Deinde  
 „ quia carentia pecuniae , & obligatio non  
 „ repetendi ante aliquod tempus est quid  
 „ intrinsecum rationi mutui, ( alioquin mu-  
 „ tuum non differret a precario ) unde si

„ mutuum debet gratis fieri , ut constat ex  
 „ supradictis , nihil pro hac carentia , vel  
 „ obligatione petendum est . Ex hoc fun-  
 „ damento elicienda est responsio ad pri-  
 „ mum , & secundum argumentum . Ad  
 „ tertium ( propositum damnationi sub no-  
 „ mine Lessii ) responderi potest , tale pre-  
 „ tium imponi a mercatoribus non posse ,  
 „ quia carentia pecuniae non est pretio ac-  
 „ stimabilis , nisi ratione alicujus incom-  
 „ modi , vel periculi conjuncti , .

Hac Lessii oratione descripta, multa in-  
 vcheris in malam Concinae fidem , qua Je-  
 suitarum describit opiniones : tum lectores,  
 instituto tuo, mones hanc opinionem non a  
 Lessio , sed a duobus Dominicanis , Ledes-  
 ma part. 2. summ. tract. 8. cap. 33. concl. 4.  
 & Serra in 2. 2. quaest. 78. art. 2. esse defen-  
 sam , idque Concinae dissimulare .

CXXIV. Primum nego Concinae horum  
 duorum dissimulare sententiam , & eos op-  
 portuno loco non nominare. Nam videre po-  
 teras cum pag. 400. cap. 13, ubi quaerit :  
*An pro voluntate mutuandi , aut ad mutuum  
 non repetendum infra praefinitum tempus li-  
 ceat quid exigere supra sortem ?* num. 2. ita  
 scribere : „ secunda quaesiti pars suos ha-  
 „ bet patronos . P. Diana Tom. vi. tract. iii.

„ re-

resol. 45. pro affirmante opinione citat Ledesnam, & Celestinum,, . Tum in extremo capite pag. 404. ita concludere :  
 „ ultimo loco adnotare lubet P. Dianam  
 „ summa injuria adscribere hanc proscri-  
 „ ptam doctrinam discipulis Sancti Thomæ.  
 „ Non nego, Thomistas aliquos, Serram,  
 „ Zanardum, Ledesnam, La-Cruz, aliosque  
 „ que laxas docuisse opiniones. Sed impo-  
 „ stura nimis audax est hanc dicam impin-  
 „ gere Sancti Thomæ discipulis indefinite,  
 „ cum veri Thomistae sint strenui doctrinae  
 „ sanioris assertores, & vindices,, .

Thomistas strenuos esse sanioris doctrinae defensores, hujusque sententiae fautores temere ab Diana appellari verum est. Neque refert si dicatur, Dianam, quod scribit de Thomistis, forte a Ledesma accepisse, qui part. 2. tract. 8. cap. 33. concl. 4. sua proposita sententia ita concludit : *ita passim Thomistae*, non, inquam, hoc refert, quia, ut dixi supra contra Moyam, cum opinio falsa est, non est continuo adjungenda fides Casuistae, qui eam insigni alicui Theologo, vel multitudini tribuit Theologorum. Sed redeo ad propositum. Non occultavit igitur, ut vides, auctor Theologiae Christianae horum Dominicanorum sententiam.

Quid si occultasset? an id studio partium esset assignandum? Non puto. Nam cum eorum Casuistarum doctrinam, qui post damnatam ab Alexandro VII. proposit. 42.: *licitum est mutuanti aliquid supra sortem exigere, si se obliget ad non repetendam sortem usque certum tempus scripserunt*, neque tamen ab errore sese omnino removerunt, hoc loco praesertim confutare, vellet, nemini mirandum esset, si quae scripta a Casuistis essent ante Alexandri Decretum, aut obiter attigisset, aut omnino praeteriisset.

CXXV. Verum redeo ad Lessium. De eo sic habeto: recte, nec injuria hanc ejus propositionem in *Catalogum damnabilium* esse relatum. Quid? Sententiam proponit, quae pugnat cum Evangelio, quam ipse novam esse concedit, neque se apud ullos auctores invenisse fatetur, & tamen respondet: non esse facile admittendam. Quis ferat Theologum, qui, si quaeratur, an liceat *videre mulierem ad concupiscendum*, aut aliud ejusmodi in doctrina morum novum, atque inauditum, frigide respondeat, sententiam a jentem non esse facile admittendam, rationesque, quibus ea niti videtur, probabiles esse concedat? Non tu ferres, opinor, hunc  
 Theo-

Theologum , & feres Lessium utentem  
hoc genere responsionis ; aut eum , qui  
non esse ferendum putet , damnabis im-  
pofiturae ?

Sed ais pag. 162. ,, neque dicat hic  
,, P. Concina , Lessium faltem exhibere , ut  
,, probabilem fententiam oppofitam . Non  
,, inquam , hoc dicat ,, . Sero poft tempus  
Concinam mones . Quod eum dicere nolles,  
jam dixit . Dixit autem ? Immo etiam fcri-  
pfit eodem Tom. pag. 400. num. 2. in quo  
fic eft : ,, P. Thomas Tamburinus lib. ix.  
,, tract. 1. cap. 5. §. 2. .... refert Leonar-  
,, dum Lessium lib. 11. cap. xx. dub. 4. nega-  
,, tivam propugnantem , fed fimul ajentem  
,, adfirmativam videri alicui non improba-  
,, bilem . Quid inde ? *Dubia igitur res eft* ,  
,, inquit Tamburinus . Si dubia res eft , re-  
,, sumet probabiliffa quispiam , melior eft  
,, conditio poffidentis ,, . Intellexit ? Non  
folum Concinae , fed etiam Tamburino vi-  
fum eft , fequi ex oratione Lessii fententiam  
ajentem esse probabilem .

Sed quare negas , aut Concinae dicen-  
dum non efset, id esse consequens ex oratio-  
ne Lessii ? , Primum , inquis , quia Lessius non  
,, dicit : *Hae rationes probabiles sunt : Hae*  
,, *rationes sunt mihi probabiles : fed videri*

„ *possint alicui probabiles* . Quod est conce-  
„ dere illis non veram , & solidam proba-  
„ bilitatem ; sed solum speciem aliquam , &  
„ & fucum probabilitatis , ob quem alicui  
„ non tam attente res consideranti apparere  
„ possunt probabiles „ .

Sit ita, ut dicis. Sed scire velim, an qui ista non cogitat dum legit Casuistas , neque putat , eos , cum quaedam aliis probabilia videri posse scribunt , de iis loqui , qui rem parum attente considerant , arguendus tibi videatur imposturae ? Deinde cur Tamburino , ut dixi , visus est Lessius eam opinionem censere probabilem ? Cur Sporerius ne post decretum quidem Alexandri VII. veritus non est tract. vi. cap. iv. sect. 3. §. 5. n. 71. eandem sententiam ob has ipsas rationes appellare probabilem ? An isti eas parum attente considerarunt ? Intellige quid est. Quum Lessius in novam , & a nemine , ut ipse fatetur , antea traditam opinionem incidisset , non eam quidem continuo probandam censuit , sed jacere voluit quaedam quasi semina probabilitatis , quae opportuno tempore maturescerent . Sed quia periculosum , & invidiae obnoxium est aliquid novum introducere , praesertim in ea disciplina , in qua vetera quaeque omnium optima a sapientibus

bus aestimantur, idcirco cauto initio opus est. Fingendum alios ita judicare, adhibendae verborum ambages, quibus & nova opinio improbari videatur, & aliis nonnulla ad eam tuendam rimula aperiatur: „ Sic enim (inquit ipse lib. II. cap. XXII. dub. 10. pag. 25. n. 56. edit. Lugd. Anno 1653.), loqui solemus „ ad declinandam invidiam, quando aliquid „ novi, & receptae opinioni adversum ex „ nostra sententia proferimus „. Itaque cum sexdecim in hunc catalogum, Lessii propositiones relatae sint, noli quaerere, ut numerus minuatur, recte enim haec quoque in eum relata est.

CXXVI. Ejusdem Lessii causam agis cap. *De Lessio*  
LXX. Concinaeque dicam impingis, propterea *tertio.*  
quod de eo scripsit Tom. VII. pag. 161. „ Verum *P. Lessius* non modo S. Augustini doctrinam manifeste deludit, & cavillatur, „ sed falsam doctrinam etiam *imponit Sancto Thomae* ibidem num. 52. ubi haec scribit. Dico primo: si solum jus naturae „ spectetur, acceptum ob turpem causam, „ seu propter opus, quod est peccatum, „ opere impleto, non necessario est restituendum, siue illud opus sit contra justitiam, siue non. Colligitur ex D. Thoma „ quaest. 32. art. 7. in corp., & quaest. 62.

„ art. 5. ad 2. ubi docet , posse retineri id ,  
 „ quod propter opus malum est acceptum ,  
 „ nec distinguit , sit ne opus illud contra ju-  
 „ stitiam , an non . Attente legi loca cita-  
 „ ta : & verba , quae P. Lessius S. Do-  
 „ ctori tribuit , non inveni . Porro quae  
 „ dignum censura sit , affingere pro arbi-  
 „ trio S. Ecclesiae Doctori verba , ut in  
 „ propriam sententiam concedere lectori-  
 „ bus persuasum fiat , judicent aequi rerum  
 „ arbitri . Immo , quod plus est , non mo-  
 „ do verba non reperi , sed neque doctri-  
 „ nam : cum utrobique S. Thomas solum  
 „ meretricibus retinere pretium turpe con-  
 „ cedat , limitibus tamen adjectis , .

Utramque accusationem , quae in hac  
 Concinae oratione continetur , falsam esse  
 contendis . Nempe negas Lessium ea verba :  
*posse retineri id , quod propter opus malum est  
 acceptum* , aut ullam falsam Divo Thomae  
 adfingere doctrinam .

Nam quod attinet , inquis , ad primum :  
 „ verba Lessii , ut audistis , haec sunt , *ubi*  
 „ *docet posse retineri id , quod propter opus*  
 „ *malum est acceptum* . Quae verba attri-  
 „ buit hic S. Thomae P. Lessius ? Si P. Les-  
 „ sius ita loqueretur , *ubi S. Thomas haec*  
 „ *habet , ubi scribit , ubi dicit , ubi est , &*  
 „ *simi-*



„ *similia*, tunc certe significaret, sequen-  
 „ tia ea verba: *posse retineri id, quod pro-*  
 „ *pter opus malum est acceptum*, esse con-  
 „ cepta verba Sancti Thomae. Cum vero  
 „ dicat *ubi docet*, quomodo probat Pater  
 „ Concina Lessium significare voluisse, se-  
 „ quentia illa verba esse concepta verba  
 „ Sancti Doctoris, ? Ex eo probat, quod  
 „ illa verba in Lessii operibus rotundo, ut vo-  
 „ cant, charactere sunt exarata; quem scri-  
 „ bendi modum tum adhibere solemus, cum al-  
 „ terius verba, vel orationem describimus.  
 „ Quare non injuria doluit auctor Theolog.  
 „ Christ. tributa a Lessio fuisse S. Thomae  
 „ verba, quae S. Thomae non essent.

CXXVII. Atqui tribuit etiam falsam do-  
 „ ctrinam, & male sane ob eam causam de tan-  
 „ to Doctore meretur: sed te prius audiamus  
 „ pro Lessio disserentem. „ Quod attinet, in  
 „ „ quis, ad secundum; afferam prius verba  
 „ „ S. Doctoris; & deinde videbimus, utrum  
 „ „ probabilius sit Sanctum Thomam loqui  
 „ „ universaliter, & sine distinctione, ut  
 „ „ dixit P. Lessius, an concedere solum me-  
 „ „ retricibus retinere pretium turpe, ut  
 „ „ contendit P. Concina.

„ Verba S. Doctoris in primo loco citato  
 „ „ a Lessio haec sunt: *tertio modo est aliquid*  
 „ „ illi-

„ illicite acquisitum, non quidem quia ipsa  
 „ acquisitio sit illicita; sed quia id, ex quo  
 „ acquiritur, est illicitum: sicut patet de  
 „ eo quod mulier acquirit per meretricium:  
 „ & hoc proprie vocatur turpe lucrum. Quod  
 „ enim mulier meretricium exerceat, tur-  
 „ piter agit, & contra legem Dei. Sed in eo  
 „ quod accipit non injuste agit, nec contra le-  
 „ gem, unde quod sic illicite acquisitum est,  
 „ retineri potest.

„ Verba in secundo loco haec sunt:  
 „ alio modo aliquis illicite dat, quia pro-  
 „ pter rem illicitam dat, licet ipsa datio  
 „ non sit illicita: sicut cum quis dat mere-  
 „ trici propter fornicationem. Unde & mu-  
 „ lier potest sibi retinere, quod ei datum est:  
 „ sed si superflue ad fraudem, vel dolum,  
 „ extorsisset, tenetur eidem restituere.

„ His positis, ita argumentor. San-  
 „ ctus Thomas initio utriusque textus lo-  
 „ quitur indefinite de acquisitis illo tertio  
 „ modo, est aliquid illicite acquisitum, dat  
 „ propter rem illicitam, & quod est sic illi-  
 „ cite acquisitum docet retineri posse.  
 „ Jam sic. Tota ratio coarctandi doctrinam  
 „ Angelici ad solas meretrices, esset, quia  
 „ solas meretrices affert in exemplum: in  
 „ exemplum, inquam, ut patet ex illa

„ par-

„ particula *sicut*. Atqui haec ratio nulla  
 „ est: passim enim fit, ut post traditam  
 „ doctrinam aliquam indefinitam, afferamus  
 „ claritatis gratia exemplum aliquod  
 „ particulare, quin tamen ad illud solum  
 „ doctrinam coarctemus: immo eo ipso  
 „ quod aliquid afferimus in *exemplum*, satis  
 „ clare indicamus, nos non loqui de  
 „ illo tantum, sed de pluribus aliis aliqua  
 „ ratione illi similibus. Ergo sine ullo fundamento  
 „ P. Concina D. Thomae doctrinam  
 „ nam coarctat ad solas meretrices, & omnino  
 „ gratis imponit hoc secundum crimen  
 „ P. Lessio „.

Nego, Noceti, te hilum proficere: nego,  
 & valde miror, quod saepe negare debeo,  
 te, uti pollicitus eras, ea in tuis accusationibus  
 proferre, quae *lectores minima mentis intentione, atque uno quasi oculorum conje-  
 ctu videre possent*: ejusmodi enim non  
 sunt tot argutiae, quibus libellum tuum  
 referfisti, quibusque, si quid efficeret, summum,  
 inscitiae, non malae fidei adversarium  
 convinceres.

Ex me igitur disces, quo genere argumentationis  
 utendum sit ei, qui alium malae fidei accusare velit.  
 Ajo, istum P. Lessium falsam D. Thomae tribuere,  
 do-

doctrinam : teque illi consentientem esse .  
 Nam quid Lessius scribit loc.cit.?, „Si solum,  
 „ inquit , jus naturae spectetur , acceptum  
 „ ob turpem causam , seu propter opus ,  
 „ quod est peccatum , opere impleto , non  
 „ necessario est restituendum , sive illud  
 „ opus sit contra justitiam , sive non . Col-  
 „ ligitur ex D. Thoma quæst. 32. art. 7.  
 „ in corp. , & quæst. 62. art. 5. ad 2. ubi  
 „ docet , *posse retineri id , quod propter*  
 „ *opus malum est acceptum . Nec distinguit*  
 „ sit ne opus illud contra justitiam , an  
 „ non , .

Itaque si D. Thomas non solum hoc  
 totum accurate distinguat , sed etiam ea ,  
 quæ sunt parta eo genere maleficii , quo ju-  
 stitia violatur , diserte neget retineri posse ;  
 nihil erit causæ , cur falsam a Lessio D. Tho-  
 mæ tribui doctrinam , & eo nomine jure a  
 Concina neges fuisse reprehensum .

Animadverte jam an D. Thomas prio-  
 ri loco accurate distinguat : „ Respondeo  
 „ dicendum , quod tripliciter potest aliquid  
 „ esse illicite acquisitum . . . . alio vero mo-  
 „ do est aliquid illicite acquisitum , quia il-  
 „ le quidem , qui acquisivit retinere non  
 „ potest , nec tamen debetur ei , a quo ac-  
 „ quisivit ; quia *scilicet contra justitiam ac-*  
 ce-

„ cepit , & alter contra justitiam dedit, sicut  
 „ contingit in simonia ( memento hoc esse  
 „ exemplum ) in qua dans , & accipiens  
 „ contra justitiam legis divinae agit : unde  
 „ non debet fieri restitutio ei , qui dedit ,  
 „ sed debet in eleemosynas erogari, & eadem  
 „ ratio est in similibus , in quibus scilicet &  
 „ datio , & acceptio est contra legem „ .  
 Haec ille , & hic erat locus , qui proferri  
 debuerat , non is , qui sequitur , de quaestu  
 meretricis , aut hujus simili : *tertio modo est*  
*aliquid illicite acquisitum &c.* quem supra  
 descripsisti : si autem non distinguit , ut ait  
 Lessius , D. Thomas , nec quidquam inte-  
 resse putat , cum de male partis retinendis ,  
 aut restituendis agitur , utrum maleficium,  
 ex quo lucrum quaeritur , justitia violetur :  
 cur male parta accurate in tria genera di-  
 stribuit ? cur secundum genus in iis consti-  
 tuit , quorum alter *contra justitiam* accepit  
 & alter *contra justitiam* dedit : cur denique  
 prolato simoniae exemplo concludit : & *ea-*  
*dem ratio est in similibus , in quibus scilicet ,*  
*& datio , & acceptio est contra legem .*

Nihil dico , de altero quaest. 62. loco,  
 in quo D. Thomas non minus accurate, quam  
 in eo, quem protuli, maleficium a maleficio  
 distinguit , quaestumque ex eo factum ,  
 quod

quod iustitiae repugnat, negat esse retinendum.

CXXVIII. Quod autem scribis pag. 172. sententiam Lessii ab omnibus fere Theologis, imprimisque a Cajetano, & Antonino defendi, ad rem non attinet. Non enim id agitur, utrum Lessii sententia ab omnibus fere Theologis defendatur; sed utrum defendatur a D. Thoma, a quo Lessius defendi scripsit. Itaque nihil dicam de omnibus Theologis, neque enim est otium, ut omnes expendam. At de Antonino, & Cajetano, quod te ex Lessio accepisse intelligo, certe nego. Adfers tu quidem utriusque testimonium Cajetani ex commentationibus alterius loci, non  
 „ refert in proposito, an propter fornicationem, an propter *adulterium*, aut  
 „ aliam speciem luxuriae detur: & *similiter est de aliis malis servitiis* „. Antonini autem ex part. 2. tit. 2. cap. 5. ubi sic „ de illicitis ergo tertio isto modo secundum Thomam, & Raymundum, potest dari eleemosyna, & potest etiam retineri, nisi superfluum per fraudem, & dolum mulier extorsisset, quia illud esset restituendum. Et ad hoc pertinet *lucra facta ex histrionatu illicito, ex duello . . . . ex arte mathematica, seu divinatoria* „. Sed

Sed manifestum est, utrumque sequi D. Thomam, sermonemque habere in his testimoniis solum de quaestu meretricis, quam quidem *turpiter facere*, ut ait Ulpianus, *quod sit meretrix; non tamen turpiter accipere; quum sit meretrix*, non hi duo modo, sed omnes omnino fatentur.

Igitur ea loca consideranda erant, vel si considerasti, proferenda, in quibus cum iustitia laeditur, quaestum retineri non posse decernunt. Nam de eo Antoninus loc.cit. ita docet: „ Si pecunia data fuit iudici ad „ eum corrumpendum, vel testi ad falsum „ testimonium dicendum, vel адвокато ad „ injuste advocandum, illi datori reddi non „ debet, qui turpiter dedit, nec sibi retinere potest, sed pauperibus elargiri, vel „ illi in cuius damnum, vel injuriam data „ est „.

Quid clarius? Quid ad tuam, & Lessii confutationem luculentius dici poterat? De Cajetano autem ne Lessius quidem ad iudicem quod attinet, negat secum repugnare. Scribit enim loc. cit. „ notandum tamen est „ Covarruviam, & Cajetanum excipere id, „ quod acceptum est a iudice, ut injustam „ sententiam ferat hoc enim putat iure, „ naturae esse restituendum, quia injusta sen-

„ sententia & perversio iudicii , non est res  
 „ vendibilis „ .

Sic est ; nam Cajetanus in commenta-  
 tionibus prioris loci ita differit: „ & haec est  
 „ differentia inter emere , & vendere in si-  
 „ monia , & meretricio ; nam in meretri-  
 „ cio res vendita est usus venereus &c. ,  
 „ qui etsi sit secundum se malus, non tamen  
 „ constituit venditionem malam , & hoc  
 „ quia est materia vendibilis . In simonia  
 „ autem res vendita est res sacra , quae est  
 „ invendibilis , & propterea constituit ven-  
 „ ditionem injustam . Et simile est in sub-  
 „ versione iustitiae . Non enim est vendibi-  
 „ lis iniustitia „ .

Nunc consideres velim quanta fuerit  
 Lessii negligentia in sententiis, non dico me-  
 diocrium Casuistarum, sed magnorum Theo-  
 logorum expendendis , aut referendis . Nam  
 primo verba , quae non sunt D. Thomae ita  
 describit, ut D. Thomae esse videantur, neque  
 certe habes, quo eum excusare possis, nisi hunc  
 errorem magis ei, qui editioni praefuit, quam  
 Lessio essetribuendum ; deinde vocare non  
 poterat in subsidium suae opinionis, praeter  
 Divum Thomam , Antoninum , & Cajeta-  
 num , qui cum eo aperte dissentiant . Ter-  
 tio non apparet, cur primo Cajetanum esse,  
 sibi



sibi consentientem dicat, quem postea in eo, quod attinet ad justitiam, contrarium sibi esse fatetur: nam cum de justitia sit omnis controversia, si cum eo dissidet hac in re, quid est, in quo cum eo consentire possit? Denique animadvertere debuerat, Cajetanum, quem sibi adversari fatetur, interpretem esse Divi Thomae, proindeque existimare, aut saltem suspicari, an cum exponeret quid differat inter quaestum meretricis, & eum, qui sit a Judice ob latam injustam sententiam, similem D. Thomae doctrinam, explicaret. Haec omnia peccavit uno loco Lessius, quem sequi errantem maluisti, quam non accusare imposturae eum, a quo merito esset reprehensus.

CXXIX. Sequitur cap. LXXIII. quod ita in- *De Lessio*  
 scribis: *Restituitur suae sinceritati sententia quarto.*  
*Molinae, Lessii, Rebellii, & de Lugo.* Vi-  
 deamus cequid horum Casuistarum senten-  
 tia fuerit detractum. Concina tom. VII. pag.  
 281. „ Peccant, inquit, Monachi, & Cle-  
 „ rici si propriis manibus negotiationi pe-  
 „ cunias exponant. Secus, si has pecunias  
 „ dent mercatoribus, qui propriis eas im-  
 „ misceant, & negotientur, & lucra cum Cle-  
 „ ricis dividenda assequantur. Ita docent  
 „ Molina tom. II. tract. II. disp. CCCXLII. Les-

„ sius lib. II. cap. XXI. dub. I. n. 26. (debu-  
 „ dicere 6.) Rebellus lib. IX. quæst. ult. sect. 2.  
 „ Lugo disp. XXVI. sect. 3. num. 36. . . . Di-  
 „ stinctiuncula inuenta : *per se ipsos* , & *per*  
 „ *alios* , *arbitrarium commentum est ad le-*  
 „ *gem eludendam* ; quodque cum legis spi-  
 „ ritu hostiliter pugnat „ .

His autem descriptis : „ non ita do-  
 „ cent , inquis , sed minus sincere refertur  
 „ eorum sententia , & depingitur invidio-  
 „ sior , quam sit . Ratio est . Quia ille mo-  
 „ dus loquendi *non peccant* indefinitus , &  
 „ illimitatus , significat , eos Clericos immu-  
 „ nes esse ab omni prorsus peccato ; & ita  
 „ doceri a laudatis auctoribus „ . Nego . Nam  
 Concina scripsit hoc modo : *peccant Mo-*  
*nachi* , & *Clerici* , *si propriis manibus ne-*  
*gotiationi pecunias exponant* . *Secus* , *si*  
*has pecunias dent mercatoribus* . In qua  
 oratione quemadmodum verba : *peccant Mo-*  
*nachi* , intelliguntur de peccato contra legem  
 negotiandi ; ita particulam *secus* de eodem  
 peccato intelligi convenit . Quandoquidem  
 hanc vim habet , ut horum Theologorum  
 sententiam exponat , quæ est , ea lege non  
 impediri Clericos , & Monachos , quominus  
 per alios negotientur . Nihil autem attinuit ,  
 vel syllabam scribere de levi peccato , quod  
 iidem

iidem, Clericos, & Monachos, si isto modo negotientur, admittere concedunt, & prolixis eorum testimoniis ostendere laboras, propterea quod nulla de eo esset controversia; atque ego expecto, ut, si forte de Deo quinto quocumque anno diligendo, aut de aliis ejusmodi Casuistarum sententiis, quae pertinent ad spem, & fidem Christianorum aliquando sermo erit; illud opponas, eos concedere, esse Deum; idque a Concina fuisse praetermissum.

Sed quia defenditur haec opinio a duobus Dominicanis Johanne Tabiensi, & Fumo, sedulo lectorum fidem imploras, ut commiserationem aliquam adhibeant Jesuitis, si hos magistros secuti sunt; praesertim cum magistrorum sententiam discipuli temperaverint. De hoc temperamento valde dubito; nam cum tui nihil amplius doceant, quam ne istam quidem negotiandi rationem Clericos, aut Monachos decere, nisi *justa aliqua causa*, ut loquitur Lessius, excuset, ac proinde si *justa causa* excuset, ne leviter quidem eos peccare putent, nostri autem honestum finem hujus negotiationis requirant, sit ita, ut nihil inter eos interesse existimem.

CXXX. Sed volo esse tecum liberalis, & il-

lud, quod postulas, concedere, temperasse, istos  
discipulos sententiam suorum magistrorum.  
Illud etiam dare volo, dignos esse commise-  
ratione, quod his ducibus istam rationem,  
negotiandi Clericis, Monachisque permi-  
serint, & aliquas alias opiniones amplexati  
sint; quamquam enim non esset boni disci-  
puli ex omni numero magistrorum eos po-  
tissimum, qui errassent, confectari, & mis-  
sis frugibus, glande vesci, quando tamen ma-  
gistri errarunt, venia discipulis danda est, si  
in errorem magistrorum inciderunt. Unum  
abs te postulo, quod pro mea erga te facili-  
tate impetrare debeo, ut quoniam nos Ma-  
gistrorum, discipulorumque errores agno-  
vimus, eos libenter relinquamus; nam si  
sapientis non est, quod non satis explore  
perceptum sit, & cognitum id sine ulla dubi-  
tatione defendere, quanto minus decet,  
cum falsum sentire, aut cognitum errorem  
nolle deponere? Sed eos etiam deponere  
oportet, quos discipuli a magistris non ac-  
ceperunt, sed ipsi suoapte ingenio, & opi-  
nandi licentia in morum disciplinam intro-  
duxerunt. Hi quam multi sint, quam gra-  
ves, quam valde cum Christi doctrina, &  
veterum Ecclesiae Patrum sapientia repu-  
gnantes probe nosti. Nam si rogas ecquem  
ma-

maxime, omniumque primum relinquendum putem, nihil haesitans respondebo, illum longe gravissimum, & ad maximum Christianorum damnum comparatum, non a magistris acceptum, sed a discipulis inventum, & sedulo propagatum de absolvendis hominibus peccandi consuetudine implicatis. Unum Francolinum hac de re disputantem horresco legere. Nihilo melior est auctor novae dissertationis, & tu ipse dum Francolinum, & Sanchezium defendis. Excute veteres omnes Theologos, & Casuistas, nihil invenies hujus monstri simile. Nam cum ceteri errores certis finibus coerceantur, singulique ad singula vitia excusanda comparati sint, hic unus omnia conservat, omnibus indulget, frustra, eo retento, caeteri relinquuntur. Nihil enim prodest falsis opinionibus nullum obtegere peccatum, nisi etiam peccandi licentia coerceatur. Itaque hunc primum deferendum puto, deinde caeteros, si vis, dignos videri Probabilistas, quorum Lectores misereantur; nam quamdiu error retinetur, ridiculum est captare commiserationem, auctoresque demonstrare, a quibus fuit acceptus: quasi liberum non sit semel acceptum deponere, aut cum ratione agat, qui cum errorem deponere nolit, tum

quoties reprehenditur culpam in auctores transferre laborat .

Sed ecce jam centum , & eo amplius sunt anni , ex quo ista ratione utimini captandae commiserationis , & nunquam reintegratum est bellum adversus Casuistas , quin aliquid ejusmodi audiretur : a Dominicanis magistris opiniones suas accepisse discipulos Probabilistas . Quid igitur ? Desierunt ne unquam istorum discipulorum discipuli a Dominicanis , vel a suis istas opiniones accipere ? Nequaquam . Ad quos igitur aequum est invidiam pertinere ; ad eos ne , apud quos error magistrorum nullum habuit tautorem , an magis ad eos , qui non solum magistros , sed etiam discipulos errantes secuti sunt ; erroremque alii ex aliis continenter propagarunt ?

*De Lessio  
quinto .*

CXXXI. Agis quinto causam Lessii cap. lxxvi. , & contra quam Concina scripsit To. 7. pag. 509. defensum ab eo fuisse negas contractum Mohatra *respectu ejusdem personae cum contractu retrovenditionis praeviae inito , quem damnavit Innocentius XI.*

Non te movent haec Lessii verba lib. ii. cap. 21. dub. 16. „ Utrum venditiones , & „ emptiones reciprocae ejusdem rei *diverso* „ pretio , quas Hispani vocant *BARATAS* , „ & *MO-*

„ & *MOHATRAS* sint licitae? Exemplum  
 „ sit. Petit quis 160. aureos mutuos. Mer-  
 „ cator non vult mutuare; sed paratus est  
 „ vendere illis merces creditò, summo pre-  
 „ tio, v. g. 105. vel 106. aureis, ut eas  
 „ vendat pecunia numerata *cui voluerit*. Il-  
 „ le eandem *offert* mercatori, qui eandem  
 „ emit, vel potius redimit pecunia nume-  
 „ rata, sed minoris, pretio nimirum me-  
 „ dio, vel infimo, v. g. 100. aureis, & il-  
 „ li manet debitor centum & quinque „.

Non, inquam, te movent haec verba Lessii; quandoquidem, licet ipse contractum, quem proponit, & postea defendit, Mohatram appellet, qui sine reciproca ejusdem rei emptione, & venditione, atque adeo sine pacto *implicito retrovenditionis* consistere non potest, quia tamen scribitur a Lessio: *ut eas vendat, cui voluerit*; & rursus: ille *emptas offert mercatori*, pactum merces re-vendendi initum fuisse negas. „

Pergit continuo Lessius: „ quidam  
 „ Doctores existimant id esse *injustum*, &  
 „ palliatam usuram, quando idem redimit,  
 „ qui vendidit. Sed verius est *non esse inju-*  
 „ *stum*, etiamsi redimat ipse venditor, mo-  
 „ do intra limites justii pretii consistat, itaut  
 „ quando vendit creditò, non excedat pre-

„ tium rigorosum , & quando redimit nu-  
 „ merato , non descendat infra justum infi-  
 „ num . Ita Navarrus 23. num. 91. Et Pe-  
 „ trus Navarra lib. 3. cap. 2. num. 170. ,  
 „ & alii recentiores . Ratio est , quia &  
 „ venditio prima justa est , cum fiat justo  
 „ pretio quamvis summo , & secunda etiam  
 „ est justa , qua eadem merces revendun-  
 „ tur . Nec refert , quod haec revenditio  
 „ fiat pretio infimo . Tum quia pretium in-  
 „ fimum etiam est justum , praesertim in  
 „ numerata pecunia : tum quia merces ,  
 „ *quae a venditore ingeruntur vilescunt .*  
 „ Nec etiam refert , quod idem sit emptor ,  
 „ qui ante erat venditor , quia si alius qui-  
 „ vis poterat illo pretio emere , cur non ille  
 „ qui vendidit ? Immo beneficium alteri in  
 „ hoc praestari videtur , dum ille liberatur a  
 „ quaerendis aliis emptoribus , & sumpti-  
 „ bus in proxenetas faciendis , *non tamen*  
 „ *potest illum ad hoc cogere : sed debet omni-*  
 „ *no liberum relinquere ,* .

Pergit , inquam , isto modo Lessius ,  
 eoque minus defendere tibi videtur contra-  
 ctum Mohatram , quem damnavit Innocen-  
 tius , quod velit , emptori liberum esse oportere eas merces , cui velit , revendere .

Neque animadvertis , verbis quidem ,  
 non



non re liberum esse emptori merces cuilibet vendere, propterea quod si eas statim mercatori revendit, *liberatur a quaerendis aliis emptoribus, & sumptibus in proxenetas faciendis*, quod homini egenti pecuniae quandam necessitatem imponit, ut non alium, nisi mercatorem esse velit illarum mercium emptorem: quodquidem cum pertineat ad *pa-ctum implicitum* nihil occurrit, cur improbatum omnino, damnatumque ab Innocentio XI. fuisse negemus, propterea quod ex damnata propositione implicitum ne an- exprefsum oporteat esse *pa-ctum retrovenditionis* nulla ratione colligitur.

Ne illud quidem animadvertis, Lessium pugnantia loqui, ejusque argumentationem plenam esse ineptiarum. Nam quid illud est: *nec refert, quod haec revenditio fiat praetio infimo*. Tum quia *praetium infimum etiam est justum, praesertim in numerata pecunia*? Etiamne numerata ab eo, qui ejusdem rei uno tempore venditor est, atque emptor, & *stans pede in uno* emit parvi, quod vendidit magni? Hoc enim quaeritur; & Lessius quemadmodum probet, nihil laborat.

Quid item illud: *tum quia merces, quae a venditore ingeruntur vilescunt*? Quam belle

le Cicero irrideret istas astutias! Qui ludrice emit, ut statim revendat, is ingerit merces? Deinde cur hae merces primum oblatae a mercatore non vilescunt, oblatae a venditore vilescunt? Nam quod scribit in extrema argumentatione: beneficium a mercatore fieri emptori, qui *liberatur a quaerendis aliis emptoribus, & sumptibus in proxenetis faciendis*. Non tamen potest illum ad hoc cogere; sed debet omnino liberum relinquere, quod inquam, ita scribit, quid est, si jocularis contradictio non est? Etenim si beneficium est, eas merces statim mercatori revendere, quid vetat, emptorem eo adduci, ut hoc beneficio uti velit? An non licet emptoris commodo, utilitatique servire? Quare aut merces mercatori revendere beneficium non est; aut quod additur: *non tamen potest illum ad hoc cogere &c.* supervacaneum est. Ex quorum altero sequitur, inepta ratione effici contractum justum esse: ex altero verbo tenus negari pactum *retrovenditionis*: ex utroque Lessium pugnancia loqui.

CXXXII. Demus tamen haecenus Lessium ab errore damnatae propositionis esse remotum. Etiamne in his, quae sequuntur, remotum esse defendes? Recita reliqua., Adverte, tamen hunc modum contrahendi saepe non

„ non carere culpa in mercatore, qui ex  
 „ *composito* ita vendit, ut pretio infimo re-  
 „ dimat. Nam primo peccare potest contra  
 „ charitatem, ut si *cogat* miserum aliquem  
 „ hominem *emere* merces (non dicit *retro-*  
 „ *vendere*, quod jam hinc advertendum est)  
 „ quibus non eget, magno illius dispendio,  
 „ cum possit illi facile, & absque suo in-  
 „ commodo mutuum dare. Secundo pecca-  
 „ re potest praebendo malum exemplum:  
 „ nam contractus ille habet speciem mali,  
 „ & suspicionem usurae. Tertio seipsum,  
 „ & suos infamando: non tamen tenetur ad  
 „ restitutionem, ut inquit Navarrus; quod  
 „ intellige non teneri ex justitia: sed fieri  
 „ potest ut teneatur ex charitate, ut si alter  
 „ sit pauper, & grave sit illi tale detrimen-  
 „ tum,,.

Quid, inquam, hoc loco Lessium do-  
 cere dices? Etiam ne his verbis: *qui ex com-*  
*posito ita vendit* abest pactum retrovenditio-  
 nis? Abest, inquis; nam qui hoc pactum  
 in superioribus locis tam aperte negavit, qui  
 potuit statim illud admittere? Itaque sic ra-  
 tiocinaris: „ si ea verba *ex composito* signifi-  
 „ carent in P. Lessio, ut P. Concina con-  
 „ tendit, *pactum praevium*; Lessius docuif-  
 „ set immediate, & nullis interjectis, duo  
 con-

„ contradictoria . Atqui hoc de Lessio non  
 „ est credibile . Ergo . Propositionem mi-  
 „ norem P. Concina , puto , non negabit .  
 „ Neque enim si Lessium laxonem fingit ;  
 „ stolidum etiam volet , & bardum fingere .

Quamquam ex iis , quae dixi supra , lu-  
 culenter appareat , quam non incredibile sit ,  
 Lessium sibi contradicere , demus tibi nihi-  
 lo secius , eum sibi revera non contradicere .  
 Quid igitur ? an idcirco vinces , te jure Con-  
 cinam imposturae accusasse ? Non puto : nam  
 si is tibi responderet , sibi visum esse Lessium  
 pugnantia loqui , & his verbis : *ex compo-  
 sito vendit pactum retrovenditionis* , quod in  
 superioribus negarat , admittere ; quid ha-  
 beres , amabo te , quo tuam accusationem  
 sustineres ? Illud unum , opinor , neque bar-  
 dum , neque stolidum esse Lessium . Proh  
 Deum immortalem ! Quam bardum , & stoli-  
 dum oportet esse lectorem , qui te vera scri-  
 bere , & justis de causis Concinam malae fi-  
 dei , imposturaeque accusare sibi persuadeat !  
 An novum , atque inauditum est , scripto-  
 rem neque bardum , neque stolidum sibi con-  
 tradicere ? An non omnibus horis audimus ,  
 argui scriptores a scriptoribus contradictio-  
 nis ? Hoc plane novum , atque inauditum  
 est , Noceti , eum , qui non raro falsa docet ,  
 & cum

& cum ratione pugnat, tam incredibile videri, secum ipsum pugnare, ut qui secus sentiat, impostor habeatur.

Sed age, si Lessius sibi non contradicit, neque pactum retrovenditionis prius quidem verbis negavit, re admisit, post autem aperte concessit; quis erit sensus eorum verborum: *qui ex composito ita vendit*? „ Assigno, „ inquis, duplicem, & quidem non obtortum. Primum ea verba significare possunt „ intentionem internam, etsi nullo modo „ manifestatam. Itaut sensus sit. *Qui ex „ industria; qui ex hac intentione* negat pecuniam mutuam misero illi petenti, & „ vendit illi merces, ut pretio infimo redimat, peccat contra charitatem. Et ea „ verba *ex composito* significant *rem compositam secum ipso, in animo suo a mercatore, non vero compositam* exterius cum „ e mente „.

Quid istuc est? quid attinuit istam intentionem, sive *rem compositam secum ipso in animo suo a mercatore*, commemorare? An sine ea contractus, aut omnino fieri, aut non esse contra charitatem potest? Sed cedo alterum sensum. „ Secundus sensus potest „ esse iste: mercator, qui *concorditer* cum „ misero emptore tali pacto negotium transigit

„ figit , ut prius vendat , & deinde pretio  
 „ infimo redimât , peccat contra charita-  
 „ tem : quae *concordia* haberi potest per  
 „ hoc , quod prius communi consensu ce-  
 „ lebrent emptionem ; & postea communi  
 „ novo consensu celebrent retrovenditio-  
 „ nem , quin tamen secundus iste consensus  
 „ deductus fuerit in pactum praevium , sed  
 „ emptor fuerit relictus omnino liber , ut  
 „ revenderet merces *cui voluerit* . Uterque  
 „ sensus naturalis est . Primum tamen puto  
 „ esse genuinum sensum Lessii „ .

Ego vero de his tuis interpretationibus  
 nihil dicam , sed lectoribus judicandum re-  
 linquam . Te tamen allego primum ad Fac-  
 ciolatum , in quo V. *compositus* ita leges :  
*hinc ex composito , de composito , hoc est de in-*  
*dustria , ex conditio* : deinde ad Robertum Ste-  
 phanum , in quo item V. *Ex* leges . „ Ex  
 „ composito , idem significat , quod com-  
 „ posito abl. , quasi dicas , dedita opera ,  
 „ & *ut convenerat inter eos* , ut subaudiri  
 „ videatur alius dativus ( negotio ) , nem-  
 „ pe , ex composito negotio , Liv. l. 9.  
 „ *Tum ex composito orta vis , signoque dato*  
 „ *juventus Romana ad rapiendas virgines ,*  
 „ *discurrit* .

CXXXIII. Una est via, qua Lessium libera-

re possis a contradictione, quando tantopere caves, ne cum sibi contradixisse appareat, quod initio disputaret adversus Thologos, qui ejusmodi contractum omnino improbarent, & etiam sublato pacto injustum esse, judicarent, proptereaque id solum probandum sumpsit, reciprocam ejusdem rei emptiorem, & venditionem non esse contra justitiam, monuitque cum in proponenda quaestione, tum in extrema argumentatione liberum emptori esse debere, ut merces, cui velit, revendat. Post autem, animadvertens, contractum Mohatram sine reciproca ejusdem rei emptione, & venditione consistere non posse, nihilque referre existimans, ea mercatorem, emptoremque conceptis verbis pacisci, quae in ipso contractu continerentur, pactum *retrovenditionis* aperte concessit. Quod tibi mirum videri non debet: solent enim Casuistae cum nova, aut valde laxa proponunt, ambagibus uti, & ad declinandam invidiam, ut ait idem Lessius, nonnisi magna veborum circuitione suam proponere sententiam.

CXXXIV. Postremum est, ut quae cap.c. pro eodem Lessio adversus Concinam disputas, paucis expendam. Is Tom.x. pag. 115. agens de pensionibus, *quae non dantur in titu-*

*titulum beneficii, sed pro beneficio: „ ve-*  
*rum, inquit, ex Bulla S. Pii V. quae*  
*„ incipit, Ex proximo, omnes recensitae pne-*  
*„ siones annexae sunt titulo spirituali, om-*  
*„ nesque Clerici pensionarii adstringuntur*  
*„ recitare officium parvum B. Virginis, ideo*  
*„ nec vendi, nec redimi absque simonia va-*  
*„ lent. P. Lessius de more asserit num. 129.*  
*„ Bullam S. Pii V. nullibi esse receptam,*  
*„ sed Lessius fallitur fallitque. Testantur*  
*„ enim Salmanticenses num. 74. ex Raphael-*  
*„ le a Torre in Hispania esse receptam, „ .*

Tu his, quae sunt de Lessio descriptis  
*„ Pater Concina, inquis, de more calum-*  
*„ niatur Patrem Lessium „ .*

Fors ita tulit, ut nihil hactenus non  
 solum de Lessio, sed ne de ceteris quidem  
 Casuistis, de quibus disputatum est, obje-  
 ceris; quin ego aperte demonstrarim, omnia  
 a Concina fuisse accuratissime scripta, una  
 re, summum altera levissima excepta; quare  
 cum tibi de hoc postremo Lessii loco, multo  
 magis de ceteris, qui reliqui sunt cumula-  
 te, satisfecero, intelligent lectores, a quo  
 profectum sit illud convicium: *Pater Conci-*  
*na de more calumniatur*, a iudicio ne, & stu-  
 dio vindicandae veritatis, an ex aliquo alio,  
 quod dicere nolo; & legere potes in Tam-  
 buri-



burino . Itaque expone causam calumniae.

„ Pater Lessius , inquis, nusquam dicit Bul-  
 „ lam S. Pii V. „ *nullibi esse receptam* :  
 „ immo apertissime supponit esse receptam  
 „ alicubi ; & solum dicit non esse receptam  
 „ *in plerisque locis* . En ejus verba lib. 8.  
 „ de justitia cap. 35. dub. 22. cit. num. 129.  
 „ *Notandum tamen ubi Bulla Pii V. de pen-*  
 „ *sionibus est recepta , ibi pensionem esse*  
 „ *rem spirituales* . Statuit enim Pius V.  
 „ *ut omnes pensionarii ratione pensionis te-*  
 „ *neantur recitare Officium B. Virginis ;*  
 „ *qua ratione pensio revera est quoddam*  
 „ *beneficium* . Sed plerisque locis haec Bul-  
 „ *la non videtur recepta* . In vocabulario  
 „ P. Concinae ad mordendum Lessium Je-  
 „ suitam synonyma sunt , plerisque locis  
 „ non videtur recepta , & *nullibi est rece-*  
 „ *pta* „ .

At de vocabulario Salmanticensium ,  
 qui tract. xix. cap. 3. punct. 10. scribunt hoc  
 modo : „ affirmat autem Lessius num. 129.  
 „ nullibi videri receptam talem Bullam ,  
 „ quid tibi videtur ? Pertinet ne hoc *nullibi* ad  
 „ invidiam Lessio creandam , ejusque existi-  
 „ mationem minuendam ? Quod si horum  
 „ Theologorum tanta haecenus fuit auctori-  
 „ tas in indicandis Casuistarum locis , ut ab

omnibus habiti sint diligentissimi, & nunquam in eos malae fidei, vel imposturae, praesertim in vestris laudandis, ceciderit suspicio, quid est, quod Concinae succenseas ob eam causam, quod eorum diligentiae, interdum fidem adjunxit? An incredibile erat Lessium parvi facere Bullas Romanorum Pontificum? Certe non erat. Nam Concina tom. 7. pag. 494. pluribus ostendit, consueisse Lessium Bullas Romanorum Pontificum, ideo quod receptae non essent, parvi pendere, & adversus, quam his Bullis decerneretur, controversias definire. Uno contentus ero, neque res pluribus eget. Itaque loco citato Lessium inducit de Constitutione Sixti V. ita scribentem lib. 11. cap. 25. dub. 3. num. 33. „Nec obstat, quod  
 „Sixtus V. in constitutione edita anno  
 „1586. 12. Kal. Novemb. damnet, & re-  
 „probet omnes contractus in posterum in-  
 „cundos, per quos cavebitur &c... quia  
 „non obstante hac Constitutione in Italia  
 „maxime viget, & semper viguit ista for-  
 „ma contrahendi . . . . . Multo minus fuit  
 „recepta hic in Belgio, ubi neque fuit  
 „unquam promulgata, neque cognita,,.  
 Intellexit? Hoc fere modo loquitur de  
 aliis Constitutionibus Pii V. Quorsum  
 haec,

haec , inquires ? Quia intelligas velim , si peccatum esset in adverbio *nullibi* , haud tantam Lessio factam esse injuriam , quantum lectoribus suadere velles ista acerbitate accusationis : *Pater Concina de more calumniatur Patrem Lessium* . Nam si Lessius de Constitutione Sixti V. tam insolenter scripsit , ut deteriore in modum scribi non posset de Medulla Bussembau , aut Trutina Vivae , quid mirum esset si de aliqua alia scripsisset , eam nullibi esse receptam ? At ego peccatum esse nego . Nam Salmanticenses , quorum sane nihil intererat Lessii testimonium corrumpere , aut in aliqua operum Lessii editione *nullibi* legerunt , aut Lessium ita interpretati sunt , ac si diceret , Constitutionem nullibi esse receptam . Primum facile accidere potuit , constat enim nonnulla in posterioribus operum Lessii editionibus a Casuistis , qui suos clanculum emendare solent , esse mutata . Cujus rei praesto est exemplum . Nam ex libro iv. de Just. cap. 3. dub. 8. num. 59. , haec sententia videri posset alicui probabilis , & speculative vera , (quem locum cap. xlii. tu ipse retulisti ) in editione Lugdunensi 1630. detractum est , & *speculative vera* .

Alterum autem nihil a Lessii oratione

alienum videtur : ait enim : „ sed plerisque  
 „ locis haec Bulla non videtur recepta ,  
 „ quia a plurimis ignoratur ; vel etsi scia-  
 „ tur non est in praxim unquam deducta. „  
 Ergo dici potest nullibi esse receptam , quia  
 licet alicubi non ignoretur , fortasse non est  
*in praxim unquam deducta .*

*De de Lu-* CXXXV. Itaque venio ad Johannem de Lugo,  
*go .* quem saepe ab Concina injuria affectum fuisse  
 doles , imprimisque tom. 7. pag. 65. , ubi  
 in Catalogum *Propositionum damnabilium*  
 refert hanc ejus propositionem tom. II. de  
 Just. disp. 26. sect. 13. num. 208. „ infertur  
 „ tertio , neque reddi injustum hunc con-  
 „ tractum ( mohatrae ) ex natura rei per  
 „ hoc , quod venditor suam intentionem  
 „ manifestet emptori , dicendo : ego libere  
 „ tibi creditò vendo has merces , si tamen  
 „ volueris eas postea viliori pretio vendere  
 „ ad habendam pecuniam praesentem , ego  
 „ paratus sum ad eas emendas „ . Trunca-  
 ta est , inquis cap. LXV. „ Sententia Car-  
 „ dinalis de Lugo , & quidem non medio-  
 „ cri Eminentissimi Auctoris damno . Re-  
 „ secta enim est limitatio , & admonitio ab  
 „ ipso statim adjecta , quae opinionem non  
 „ modo multum temperant : verum etiam  
 „ omnino immutant. Igitur Cardinalis post  
 „ re-

„ recitata verba , interjectis puncto solum,  
 „ & comate, ita pergit : *Dum tamen ali-*  
 „ *quod pactum implicitum sub hac manife-*  
 „ *statione non includatur* „ .

Nunc adverte animum ; nam oportet, vindicem veritatis attente considerare, quam parum officio suo satisfecerit, & male meritus sit de veritate. Primum nego, ea verba de Lugo fuisse ab Concina praetermissa . Deinde nego, eadem quidquam valere ad minuendam prioris propositionis *laxitatem* ; ita ut, si praetermissa fuissent, conqueri jure posses id Auctoris damno factum esse . Utrumque intelliges Concinae testimonio , qui non solum ea verba de Lugo non praetermisit , sed etiam cum priori propositione pugnare , & de Lugo verbis ludere ostendit . Nam cum loc. indicato pag. 291. priorem propositionem refutasset ; eaque mercatori tacitam pactionem concedi ostendisset, ita pergit :  
 „ At , inquis , non imponitur emptori onus  
 „ retrovendendi . Immo continuo subdidit  
 „ laudatus Auctor : *dum tamen aliquod pa-*  
 „ *ctum implicitum sub hac manifestatione*  
 „ *non includatur* . Hae sunt consuetae anti-  
 „ logiae , quibus benigniores Probabili-  
 „ stae jugulare non raro se solent . Ut pa-  
 „ tentem laxitatem quoquo modo tempe-

rent, adjiciunt clausulam aliquam quae  
pugnat cum facto quod ut licitum propo-  
nunt. Quid est pactum? Conventio in-  
ter duos. Mercator aperte dicit: vendo  
tibi hanc mercem; si tamen volueris eam  
mihi revendere viliori pretio, emam.  
Assentitur emptor necessitate pecuniae  
obtinendae astrictus. Quid ultra requiri-  
tur reipsa ad pactum ineundum? Nihil  
fane. Sed, ut verborum involucro res  
implicetur, mere vox pacti excluditur,  
& pactum reipsa conceditur expressum,  
nedum implicitum. Est pactum, dicent,  
sed liberum, non onerosum, non neces-  
sarium. Physice verum est. At in civili  
commercio, & moraliter loquenda, to-  
tum adest quod ad damnatum contractum  
Mohatrae requiritur. Nec feneratorum fa-  
cultate potiuntur cogendi mutuatarios ad  
ineundos contractus fenebres. Offerunt  
pecunias mutuo, libertatem iisdem relin-  
quentes easdem accipiendi, aut respuen-  
di. Quare, ut minus, tanquam periculi  
plena, improbanda est Card. de Lugo  
sententia.

Ecce tibi Concinae fidem, & diligen-  
tiam, quam defendo, in indicandis, descri-  
bendisque Casuistarum sententiis. Majorem  
fane

sane desiderare non potes . Quum paullo supra dixeris : *Pater Concina de more calumniatur* , quid ego te agere dicam , qui eum , quod non omisit , id tam confidenter omisisse criminaris ? At non retulit , inquires , isto modo propositionem de Lugo in *Catalogum damnabilium* . Non sane retulit , at ne referre quidem debuit , propterea quod in Catalogis simplices propositiones , ut saepe dixi , referuntur , quibus non oportet omnes appendices , aut exceptiones Casuistarum adscribere , praesertim cum nihil aliud sunt , nisi verborum circuitiones , quae primum non minuunt errorem ; & cum opportuno loco , ubi de his propositionibus , data opera , disferitur , omnia proponuntur , & explicantur , quae in his appendicibus , & exceptionibus continentur . Quae cum vera sint , & ab Concina accurate perfecta esse intelligas , quo demum animo cum malae fidei insimulas , & scribis in extremo capite , „ Propu-  
 „ gno Patrem Concinam non referre inte-  
 „ gre , & sincere Jesuitarum sententias , &  
 „ ipsas collocare in maligniori luce , quam  
 „ mereantur ?

De istis verbis , Noceti , tibi cave , & vide , ne quis dicat , Concinam , si quod illi abesse dicis , id abs te discere deberet , haud

fane bonum harum rerum magistrum esse habiturum .

*Iterum de* CXXXVI. Atque ego non dubito, quin hoc  
*de Lugo.* plerique dicturi sint, propterea quod eadem  
 . saepe peccas, & quae recte ab Concina scripta sunt, ea mala fide scripta fuisse dicis, ut tuorum dissimules errores . Quaeritur, an si vir religiosus saeminae notitiam habeat, debeat scortum praetium restituere . Negat Pelizarius, negat Cardinalis de Lugo, & ideo Concina tom. vii. pag. 157. „ Pelizarius, inquit, in manuali regular. tract. 4. cap. 2. sect. 4. quaest. 3. „ Machadus tom. ii. lib. 5. p. 2. tract. 1. „ docum. 2., Lugo disp. 3. sect. 3. (8), Joannes a Cruce lib. 1. de statu Relig. cap. 3. „ dub. 1. & alii *opinionem negantem defendunt* . Haec mihi opinionum portenta apparent, quae mirum in modum patefaciunt, quo laxitatis novus opinandi modus pertrahat humanam mentem „ .

Tu contra his Concinae verbis cap. lxiix, descriptis „ Ego, inquis, sincere referam „ quid sentiant Cardinalis de Lugo, & Pelizarius, & utrum eorum mens, atque „ opinio in suo vero adspectu collocetur, an „ vero adulterinis coloribus depingatur per „ illa verba *Pelizarius, & Lugo negantem*  
 „ opi-



„ *opinionem defendunt*, lectoribus judican-  
 „ dum relinquam. Cardinalis de Lugo post  
 „ relatum cum suis auctoribus, & argumen-  
 „ tis sententiam *adfirmantem*, restituendum  
 „ esse a scortis illis praetium receptum a  
 „ religioso num. 142. ita pergit: *Caeterum*  
 „ *licet haec pars* (adfirmans) *ut dixi, com-*  
 „ *munis, & probabilissima sit*; non tamen  
 „ puto *improbabilem contrariam senten-*  
 „ *tiam*. Tum affert rationes, ob quas non  
 „ putat *improbabilem* opinionem negan-  
 „ tem: & idem praestat Pellizarius, cujus  
 „ verba non recito; quia ferme syllabatim  
 „ exscribit doctrinam Cardinalis de Lugo.  
 „ Expendant nunc lectores potestatem, &  
 „ vim istarum vocum, *defendere opinionem*  
 „ *negantem*: quae juxta communissimam  
 „ hominum intelligentiam significant, opi-  
 „ nioni neganti adhaerere, illam amplecti,  
 „ illam adfirmanti anteponere, illam vel  
 „ unice veram, vel ad minimum probabi-  
 „ liorem putare, haec, inquam lectores  
 „ expendant, & utrum defendant opinio-  
 „ nem negantem illi, qui, cum doceant  
 „ opinionem adfirmantem esse *probabilissi-*  
 „ *mam*, ne probabilem quidem audent vo-  
 „ care negantem, sed temperatissimo lo-  
 „ quendi modo vocant solum *non improba-*  
 „ *bi-*

„ *bilem* , ipsi , ut dixi , sint iudices „ .

Ego vero de his tuis argumentationibus saepe respondi , & ostendi nugae esse indignas vindice veritatis , qui adversarium criminis accuset imposturae . Idem puto iudicaturos lectores , quorum iudicium tam confidenter appellas , modo quae de his probabilistarum loquendi formulis alibi disse- rui , diligenter expendant . Hic tamen sunt alia pleraque , ex quibus intelligi potest , te eos ludificari , vel eorum appellare iudicium , qui nunquam , utrum vera praedices , lecto de Lugo , cognoscere curabunt . Concedis tu quidem , Cardinalem de Lugo afferre rationes , *ob quas non putat improbabilem opinionem negantem* ; sed siles , eum praeterea argumenta dissolvere contrariae sententiae , proindeque opinionem suam omnibus modis confirmare conari , quibus quae alteri praefertur confirmari solet .

„ Nec obstant , inquit loc. cit. num.

„ 143. argumenta contrariae sententiae .

„ Ad primum enim dicimus licet Praelatus

„ non posset in speciali , & determinate

„ concedere subdito licentiam ad usum tur-

„ pem , vel superfluum , quia jam hoc esset

„ cooperari ejus peccato , posse tamen in

„ genere , & in universum concedere illi

„ fa-

„ facultatem plenam cedendo juri suo in  
 „ universum, itaut ex ea parte, quilibet  
 „ usus non habeat malitiam injustitiae, si-  
 „ cut si is, qui mutuarit &c.

Longa oratione responsionem confir-  
 mat, deinde alterum argumentum solvere  
 aggreditur: „ ad secundum desumptum ex li-  
 „ centia Episcopo concessa, quae si id non  
 „ exprimat praesumitur semper esse solum  
 „ ad opera pia responderi potest, quidquid  
 „ sit de antecedenti negando consequen-  
 „ tiam „. Hanc quoque responsionem lon-  
 go sermone confirmat, quem non est opus  
 integrum describere. Nunc judicent lecto-  
 res utram opinionem alteri praeponat.

Mea sic est ratio, eam quemque pro-  
 bare opinionem, quam maxime confirmare  
 nititur; eam autem niti maxime confirma-  
 re, non quam *probabilem*, aut *non impro-  
 babilem* appellet, sed quam rationum mo-  
 mentis, & contrariorum, si quae sunt, ar-  
 gumentorum confutatione stabilire conten-  
 dat.

CXXXVII. Fortasse non acquiesces, & quam-  
 quam non aliunde, quam ex ista ratione dis-  
 putandi, cognoscatur utram quilibet scriptor  
 sequatur opinionem, noles nihilosecitus ne-  
 gantem a de Lugo hoc loco propugnari sen-  
 sen-

tentiam . Itaque urgebo te alio modo , ex quo rursus lectores melius , quam ex tuo libello , judicare possint , utram is defendat opinionem . Nam quid affert sententia negans ? Meretricem retinere lucrum posse a Religiosis acceptum . Nonne ? Igitur si ostendero , eo spectare de Lugo , ut hoc lucrum meretrici quoquo modo conservet , nihil erit causae , cur eum negantem potius , quam agentem neges tueri sententiam . Age nunc . Quid agit , his rebus ; quas supra dixi , confectis , de Lugo ? Nihil aliud nisi , ut aliam causam quaerat , cur , etiam agente retenta sententia , nihilo secius meretrix hoc lucrum reddere non debeat , ex quo si negas illud aperte colligi , non aliud velle de Lugo , quam hoc lucrum meretrici conservare , non video , cur rem quamque manifestam negare non possis . Ait igitur in extremo n. 143 .

„ Addo item pro praxi , posse frequenter  
 „ eos , qui ob turpia acceperunt a Religio-  
 „ sis , excusari ab onere restituendi etiam  
 „ retenta sententia contraria , quia licet ab  
 „ initio donatio fuisset invalida propter  
 „ malum titulum , nunc tamen potest idem ,  
 „ qui dedit , & aliunde habens licentiam  
 „ ad usus licitos , potest , inquam , muta-  
 „ to animo donare illud eidem faeminae ,

„ v.g.

„ v. g. quia pauper est , aut ob alium titu-  
 „ lum honestum , ad quam donationem li-  
 „ citam habet sufficientem facultatem , , .

Haec addit de Lugo, non differendi caus-  
 sa , sed pro *praxi* illius sententiae , quam  
*temperatissimo loquendi modo* vocat solum  
*non improbabilem* .

CXXXVIII. Quod scribis Pellizarium *ferme*  
*syllabatim* exscribere doctrinam Card. de  
 Lugo verum est ; nam ne istam quidem caus-  
 sam praetermittit retinendi lucri , uti liquet  
 ex tract. 4. cap. 2. sect. 4. subsect. 3. quae est.  
 XXI. ubi ait : „ praeterquam quod frequenter  
 „ excusari possunt a restitutione accipientes  
 „ ob turpia a Religiosis, etiam retenta com-  
 „ muni sententia: quod quamvis donatio ab  
 „ initio fuisset invalida ob malum titulum ,  
 „ postea tamen qui dedit , & aliunde habet  
 „ licentiam ad usus licitos ; potest , mutato  
 „ animo, donare illud eidem foeminae . v. g.  
 „ quia pauper est, aut ob alium titulum ho-  
 „ nestum ad quam donationem licitam ha-  
 „ bet sufficientem facultatem : ut ingeniore  
 „ advertit Cardinalis de Lugo num. 143. , ,

Omnia mirifice conveniunt ; neque  
 mihi displicet quod ait , istam retinendi lu-  
 cri causam fuisse ab de Lugo ingeniose exco-  
 gitatam. At vehementer miror, potuisse, aut

voluisse istos Casuistas non solum omnia rationum momenta exquirere , sed etiam ingenium torquere pro confirmanda sententia, quam stabilire nollent , & *temperatissimo loquendi modo* vocarēt *solum non improbabilem.*

De Lugo  
tertio .

CXXXIX. Nunc, quae cap. lxxi. objicias videamus . Scripsit Concina tom. 7. pag. 221 .  
 „ quando adultera duos admittit eodem  
 „ tempore , si ignoretur cujusnam proles sit,  
 „ quisnam istorum *compensationi* obnoxius  
 „ est ? Respondeo : *Utrumque liberant* .  
 „ *restitutionis onere* Lugo , Lopez , Trullen-  
 „ chus , Sanchez , Sotus , & alii , quos ci-  
 „ tant , & sequuntur Salmanticenses . . . .  
 „ Hanc opinionem propugnat quoque Car-  
 „ dinalis Gotti . . . . Recensita sententia fal-  
 „ sa , & improbabilis mihi est , .

Quibus exscriptis , hic habemus , in-  
 „ quis , evidentem imposturam contra  
 „ Cardinalem de Lugo , quae facile detegi-  
 „ tur , & propulsatur , . Non eo est opus,  
 ut propulses imposturam , neque enim faci-  
 le poteris , sed ut causam edicas , cur hic  
 Concinam esse dictites impostorem . An  
 Concina non aperte significavit , Salmanti-  
 censes esse , qui Joannem de Lugo inter hu-  
 jus sententiae fautores nominant ; aut fal-  
 sum est ab Salmanticensibus eum nominari ?

Pri-

Primum non dices, nam Concina, Johanne de Lugo, ceterisque nominatis, statim addit: *& alii quos citant, & sequuntur Salmanticenses loc. cit.*

At ne alterum quidem dicere potes, quandoquidem perspicuum est Salmanticenses tract. xiii. cap. 3. punct. 2. §. 1. num. 32. proposita quaestione ita scribere: „ Probabilior autem est sententia affirmans non teneri quemquam illorum, ut suum recognoscere, nec alimenta etiam ex parte impartiri. Quod docet Lugo a num. 20. „

Quid igitur causae habuisse te dices, cur Concina, qui Salmanticenses, & Cardinalem Gottum ob descriptum Salmanticensium testimonium, in quo Lugo nominatur, hoc loco refellit, imposturae insimulares? Non aliam, opinor, nisi, ut hoc genere accusationum cresceret magnitudo libelli tui, saepiusque infigeres in oculos imperitorum illam omnium fere capitum inscriptionem: *vindicatur ab impostura &c.*

CXL. Nam quod scribis in extremo cap. debuisse Concina, *si ab aliis deceptus est*, colligere necessitatem legendi auctores in fonte, cum Epistola 1. num. xviii. & altera n. xxii. copiose confutarim, nihil est causae, cur pluribus refellendum putem, praesertim quod  
nihil

Suaresio susceptus optimo cuique probaretur, ita pro Sanchezio, Bussembau, Escobario, Zanardo, Diana, Terillo, Dicastillo, & omni reliquo Casuistarum numero non modo improbus, & infinitus haberetur, sed etiam magnos risus excitaret.

Alterum longe gravissimum, quod tibi in memoriam redigendum puto, illud est, quod ex omni Casuistarum serie, quos isto genere accusationis vindicandos suscepisti, nemo hactenus repertus sit, uno summum, alterove excepto, qui non eam reipsa tueatur opinionem, in cuius subsidium ab Leandro, vel ab Salmanticensibus vocantur, neque tibi proclive fuit quidquam efficere, nisi cavillis, & parum idoneis verborum interpretationibus rem implicares.

De Lugo ecce, quem dicis duos illos moechos, de quibus est sermo, ad damnum compensandum adigere, reipsa non adigit. At quamobrem non adigit, inquires, si propositis duabus quaestionibus: *uter eorum teneatur ad restitutionem, & compensationem pro damno illato marito, & filiis legitimis*, postquam multa in utramque partem disseruit ita concludit num. 24., Haec sunt, quae pro utraque parte afferri possunt. Ego quidem in



„ secundam sententiam (negantem) pro-  
 „ pendeo, quod attinet ad obligationem  
 „ alendi prolem illam dubiam: quia argu-  
 „ menta adducta illam probabiliter suadere  
 „ videntur. Cum prima tamen sententia,  
 „ admitterem *obligationem* restituendi ma-  
 „ rito, & filiis legitimis saltem quoad par-  
 „ tem pro damno illis illato ex prole  
 „ adulterina, quia, ut nunc dicebam, in  
 „ exemplo sagittae projectae, singuli sua  
 „ actione injusta fuerunt in causa, ne cer-  
 „ tus auctor damni agnosceretur, & per  
 „ consequens saltem quoad partem viden-  
 „ tur ex injusta actione *restituere debere*.  
 „ Singuli enim certam injuriam intulerunt,  
 „ & damnum aliquod, nempe vel prolem il-  
 „ legitimam, vel incertitudinem auctoris,  
 „ qui solvere teneretur ea damna,,.

Ita plane de Lugo concludit, sed nihil  
 proficis. Nam si *cum prima sententia* vere  
 admittit *obligationem restituendi marito, &*  
*filiis legitimis*, cur argumenta, quibus eam  
 operose oppugnavit postea non solvit? Cur  
 rationes, quibus probatur, summa vi infir-  
 mare conatus est. Tunc Catholicum, qui, si  
 quaestionem tractaret, an verum Christi Cor-  
 pus, verusque Sanguis in Sacramento Eu-  
 charistiae contineatur, omnes Calviniano-  
 rum

rum rationes studiose proponeret, argumenta Catholicorum operose refelleret; tum jejunè adjungeret, propendere se in sententiam Catholicorum, tu, inquam, hunc Catholicum propugnare diceres sententiam Catholicorum? Non puto. Ecquis enim sententiam, quam defendit, unquam isto modo tractavit? Ecquis unquam cum aliquid verum, aut probabilius esse judicat, magis cur falsum, quam cur verum judicet causas proponit? Tu ipse, opinor, pati non posses quemquam Molinae *gratiam* ita sustinere. Atqui ita facit hac in re de Lugo; & taedet vehementer me quod totam ejus disputationem lectorum oculis subijcere non possum, nimis enim prolixa est, sed eam quisque legere potest. Itaque hac re animadversa Salmanticenses, qui duos illos moechos non adigunt ad damnum compensandum, scribere non dubitarunt: *quod docet Lugo a num. 20.*

CXLI. Una est reliqua quaestio ex iis, quae *De de Lu-* pertinent ad Johannem de Lugo, quam agi- *go quat-* tas cap. xcii. an recte scripserit Concina, *to.* tom. ix. pag. 407. „ Quid dicendum de opi-  
„ nione Sporer, Lugo, & aliorum dicen-  
„ tium *nullam*, aut *modicam* injungendam  
„ esse poenitentiam, dum poenitentes con-  
„ stentur ad indulgentiam lucranda „.

Ajo recte ; nam is statim Sporerii haec verba profert ex part. 111. cap. 4. quæst. 1. §. 3. num. 45. pag. 237. „ Excusatur Con-  
 „ fessarius , ut nullam , vel levissimam poe-  
 „ nitentiam injungat . . . . Quando quis lu-  
 „ cratur indulgentiam plenariam potest di-  
 „ mitti sine *ulla alia minuta* poenitentia ,  
 „ cum per illam indulgentiam satisfiat de-  
 „ bito poenae. Etsi autem id raro pro certo,  
 „ sufficit quod probabiliter credatur , .

Nemo dicet, opinor, fuisse ab Concina parum accurate expositam hujus Casuistæ sententiam . At tibi , quia Lugo nominatur, qui non *modicas* , non *nullas* , non *minutas* , sed *leviores* scribit *poenitentias*, multum ab ejus sententia Concinae oratio discrepare videtur . Itaque haec sunt tuae in Concinae orationem animadversiones . „ Cardinalis  
 „ de Lugo nihil habet de prima illa parte  
 „ disjunctivæ *nulla* ; sed haec pars quantum  
 „ ad Cardinalem *de Lugo* gratis intrusa est  
 „ a P. Concina de suo : Secundo Card. de  
 „ Lugo non dicit *modicas*, sed dicit *leviores*,  
 „ & quidem comparatione habita ad gra-  
 „ vissimas poenitentias , quæ alias ob ma-  
 „ gnitudinem , & multitudinem criminum  
 „ huic homini imponendæ forent . Fieri  
 „ autem potest , ut poenitentia sit *levior*  
 com-

„ comparate ad gravissimas tot , ac tantis  
 „ criminibus hic, & nunc debitas ; & tamen  
 „ absolute non sit *modica* . Tertio *Card. de*  
 „ *Lugo* non dicit *Injungendam* esse , quod si-  
 „ gnificat obligationem , & aufert a confes-  
 „ sario potestatem injungendi leviozem , si  
 „ velit . Sed dicit *injungi posse* ; quod signi-  
 „ ficat solam facultatem , & relinquit con-  
 „ fessarium liberum ad alias graviorez in-  
 „ jungendas : Quarto *Card. de Lugo* dicit ,  
 „ in tali eventu injungendum esse a confes-  
 „ sario pro poenitentia hoc ipsum , ut sci-  
 „ licet ille homo Jubilaeum lucretur ; adeo-  
 „ que ut omnia opera bona exequatur, quae  
 „ a Pontifice pro Jubilaeo lucrando imposi-  
 „ ta sunt . Hoc autem additamentum, quod,  
 „ ut vident lectores , valde immutat sen-  
 „ tentiam, a Patre Concina omnino suppres-  
 „ sum est . Quinto demum *Card. de Lugo*  
 „ monet , omittendas non esse poenitencias  
 „ injectas praetextu Indulgentiarum . Ad  
 „ quod monitum confirmandum affert in-  
 „ certitudinem easdem consequendi, & plu-  
 „ res etiam rationes , quam afferat , ut vi-  
 „ debimus , S. Thomas in eandem rem,, .

Hic ego , si te verbis ludere , & nugas  
 agere dicerem, nihil esset, cur mihi succense-  
 res ; nam verba profecto sunt , & magnae

nugae, quas singillatim refellere omitto, ne lectores taedio afficiam. Neque tamen prorsus negligere possum, ne agas, more Casuistarum, de me triumphum, tibi que de omnibus responsum non fuisse dictites. Sic igitur orationem temperabo, ut de altero tantum, & de quarto tibi respondeam, nam ea dicam, ex quibus cetera inanissima esse intelligi possit.

Et quoniam tu ipse continuo describis sententiam de Lugo, & ais hac propositione contineri, „ Tempore Jubilæi *poteſt* confessarius iungere poenitentias *leviores*, quam „ cæteroquin ille homo mereretur, *imponendo* tamen illi pro poenitentia hoc ipsum, ut Jubilæum lucretur, „ . Quoniam, inquam, hanc esse dicis veram de Lugo sententiam, dic una, amabo te, quid inter hanc, & eam, quam Concina exponit, interesse putes? An quod dicis, poenitentias esse debere, non *modicas*, ut ait Concina, sed *leviores*, quam cæteroquin ille homo meretur? At hoc, quam cæteroquin, tuum est, non de Lugo, apud quem verbum *leviores* nullo modo comparativum esse potest. Nam is hanc etiam affert causam, ut ipse refert pag. 262. cur tempore Jubilæi patiat, poenitentias esse *leviores*,  
quod

*quod redundat etiam in levamen confessorii , qui frequenter nescit quomodo peccatori ingentibus peccatis gravato possit congruentem poenitentiam imponere , praesertim ( quod tu omittis ) cum ad quamlibet poenitentiam graviolem difficilem eum inveniat .* Ex qua causa videre te puto , non postulare sententiam de Lugo , ut poenae a Sacerdote impositae sint leviores , *quam ceteroquin ille homo meretur* , alioquin eadem molestia premeretur Sacerdos , qua vult eum liberare de Lugo . Nimirum illud in poenis minuendis considerare deberet , an peccatis congruentes imposeret , neque id ipsum considerare posset , nisi quanta ex canonum praescripto debeatur , agnosceret . Quare fatearis oportet , aut nomen illud comparativum non esse , aut , si comparativum est , secum ipsum pugnare de Lugo . Qua igitur , inquires , ratione usus est nomine comparativo , si comparativum non est ? Quid tibi vis dicam ? Eadem , opinor , qua Casuistae vulgo minus apte , & , latine loquuntur . Ecquis certiolem quales te fecit , tam latine , castigateque loqui Casuistas , ut ex eorum loquendi modis probare te posse crederes crimen imposturae ?

Fac tamen , nomen illud esse comparati-

vum, quid obstat, quo minus poetæ *modicæ* dicantur? Nihil, opinor: nam ut exigua quæque, si maiorem multitudo, magnitudoque non postulat peccatorum, modica non est, ita quævis levior, *quam caeteroquin homo meretur*, modica recte appellatur.

CXLII. Alterum, de quo tibi respondendum mihi esse dixi, quarta est animadversio, vel extrema pars sententiæ de Lugo: *impenndo tamen illi pro poenitentia hoc ipsum, ut Jubilæum lucretur*; quæ quidem nihil attinet ad quæstionem. Et sane mihi videris parum intelligere quid sit id, quod ad eam pertineat, nisi forte dissimulas accusandi causa. Equidem facile ostendere tibi possem, Concinam de eo quidem non tacuisse, de quo cum tacuisse dicis; nam *modicæ poenitentiae* nomine, quo usus est, haud dubie quodvis opus bonum, atque adeo ipsa comprehenditur *indulgentia*. Tacuerit tamen, si ita vis. Ego contendo, nihil omnino attinuisse dicere de *indulgentia* imposita loco poenitentiae. Primum, quia non admodum auget poenitentiam, qui id ipsum, quod poenitens facit, ut modicam suscipiat poenitentiam, jubet esse partem poenitentiae. Deinde (atque hic adverte animum; nam omnibus tuis argutiis satisfiet) quia

quia quaestio est, an modica, non quae,  
 aut quam modica imponi possit poenitentia  
 iis, *qui confitentur ad indulgentiam lucran-*  
*dam*, & ideo qualemcumque, aut quantam-  
 cumque doceat Lugo imponi debere, dum  
 modica sit, recte a Concina proponitur  
 quaestio, nihilque refert, an in modica  
 poenitentia ipsa indulgentia contineatur,  
 quandoquidem poenitentia nihilo secius mo-  
 dica est, ut *subleuetur poenitens*, inquit Lu-  
 go loc. abs te cit. *qui pro tantis peccatis non*  
*poterat agere debitam poenitentiam*.

CXLIII. Secundum haec demonstrandum  
 sumis p. 263. sententiam fuisse D. Thomae,  
 aliorumque Theologorum: *manere liberum*  
*in conscientia ab implendis poenitentiis injun-*  
*ctis illum, qui lucratur indulgentiam*, ex  
 qua sit consequens, posse Sacerdotem debi-  
 tis poenis imponendis supersedere. Ego ve-  
 ro primum concedo: est enim ea, quam dicis,  
 D. Thomae, & aliorum Theologorum senten-  
 tia: alterum nego, quia ex ea non sequitur,  
 neque D. Thomas, aliique Theologi unquam  
 docuerunt, liberum esse Sacerdoti poenas  
 imponere. Neque vero recte disputas cum di-  
 cis loc. cit. *Si ipse poenitens etiam post poeniten-*  
*tiam injunctam liber manet ab illa implenda,*  
*si Jubilaeum lucratur: a fortiori poterit con-*  
fes-



*feffarius leviozem imponere, obligando tamen ad Jubilaeum lucrandum; non recte, inquam, disputas, quandoquidem aliae, multae sunt cauffae, ex quibus fi minus fingulis, faltem univerfis efficitur, ferendum nullo modo efle, ut eas poenas Sacerdos imponere praetermittat, quae indulgentiis redimuntur. Longum eſet, & non neceſſarium de his cauffis accurate diſſerere. Unam tamen attigi, quod neque D. Thomas, neque alii veteres Theologi unquam iſtam libertatem Sacerdotibus conceſſerunt. Altera eſt fane gravis, quod oportet, eos, qui ſaepe, & multum peccarunt, intelligere quanta ſint digni poena, quantumque in hac vita laborem ad eam luendam ſuſcipere deberent; & fane magni intereſt ad utilitatem populi Chriſtiani, iſtam novorum Cauiſtarum minui opinionem, qua fit, ut tam ſalubris cogitatio, omniſque chriſtianae poenitentiae ex animis hominum ſenſus obliſcetur.*

Tertia eſt cauſſa, cur homini haec poena offerenda ſit, quam aſſert Suarez diſput. xxxviii. ſect. x. num. x., per has in-  
 „ indulgentias remitti poenitentias impoſitas  
 „ ut ſatisfactivae ſunt, non ut medicina-  
 „ les, quia indulgentia non datur in de-  
 „ ſtru-

„ structionem, sed in aedificationem animae  
 „ &c. . . . Ex dicta vero limitatione obiter  
 „ intelligitur , his temporibus considerato  
 „ modo , quo poenitentiae imponi solent ,  
 „ raro, vel nunquam licere omittere poe-  
 „ nitentias impositas propter indulgen-  
 „ tias : quia revera imponuntur levissi-  
 „ mae poenitentiae ; & quae vix suffi-  
 „ ciunt per modum medicinae „ . Quae  
 doctrina quamquam de Lugo non probe-  
 tur , nihil tamen occurrit , cur non sit ve-  
 rissima . Laudas tu quidem de Lugo propte-  
 rea quod moneat num. 31. „ consulendum  
 „ semper esse poenitenti , ut opera imposi-  
 „ ta , quoad fieri potest , adimpleat ; nec  
 „ debere poenitentias omitti indulgentia-  
 „ rum occasione „ . Fateor , sed nihil aliud  
 relinquit Sacerdoti , nisi facultatem admo-  
 nendi . At ego sentio, Sacerdotem non solum  
 hortari, quod nemo est a Religione tam remo-  
 tus, qui non fateatur ; sed etiam compellere  
 poenitentem posse ad poenam , quam illi im-  
 ponit, sustinendam ; praesertim cum eam im-  
 ponit ad animi medelam . Quod cum neget  
 de Lugo, imitari mihi videtur morem Casui-  
 starum , qui in controversiis definiendis saepe  
 numero nucleum tollunt , & putamina  
 relinquunt .

De Mari-  
no.

CXLIV. Venio nunc ad quendam Joannem Marinum, de quo sic agis c. xxv. & xxvi. libelli tui, ut pro Suaresio, aut Vasquesio, vel eorum simili pugnare videaris; quae quidem capita libelli tui cum legendo percurrerem, ut ignotum mihi Casuistam ex verbis ejus, si qua afferres, agnoscerem, simul in eum locum perveni, in quo Moyam laudat, ejusque in definienda quaestione nititur auctoritate, conjecturam feci, eum non dissimilem magistri sui, & forte etiam Romae damnatum, esse discipulum. Neque mea me fefellit opinio: propterea quod cum in indice librorum prohibitorum de eo inquirerem, ita reperiebam:

„ Joannis Marin Oconensis Theologia speculativa, & Moralis. Venetiis 1720.  
 „ Tom. primus, & secundus Decr. Sacr. Congr. Indic. 5. Julii 1728. Tomus tertius Decr. Sacr. Congr. Indic. 18. Julii 1729. „

Hoc eo praeponendum duxi, ut videant lectores, an verisimile sit, reperiri quemquam posse adeo stolidum, qui in referendis horum Casuistarum sententiis fraude agendum, aut mentiendum putet, quasi magni intersit quidquam diripi de eorum existimatione, aut nisi quaedam corrumpantur, nihil inveniatur in eorum libris dignum

gnum reprehensione. Tu tamen hunc hominem tam stolidum non solum reperiri posse, sed etiam repertum esse, & Concinae fuisse dictitas, qui non solum hujus Marini, sed etiam Moyae damnatissimi Casuistae, de quo statim agendum erit, opiniones maligne descripserit. Atqui cum tot protulerit, & multo plures proferre potuisset ex omni numero Casuistarum absurdas, falsasque sententias, quas non licet cavillari male fuisse descriptas, facile intelligi potest, opus ei non fuisse paucas corrumpere, aut diminute describere, praesertim eorum; qui omnium minimi existimantur, ut lectoribus persuaderet male de morum doctrina meritos fuisse probabilistas.

CXLV. Sed quoniam in eo sumus, ut neminem, qualiscumque sit, affectum injuria; omniumque opiniones fuisse ab Concina summa fide, diligentiaque indicatas, demonstramus, recusandum non est, quominus de his etiam disseramus, in quibus refellendis nulla esse potest fraudis suspicio. Videamus igitur utrum Marini ab Concina (nam de Moya post dicendum erit) an abs te Concinae, quibusdam detractis, descripta fuerit oratio. Recita sententiam Concinae tom. 3. pag. 234.  
 „ P. Marin censet probabile esse, voventem  
 „ vir-

„ virginitatem non teneri ad castitatem .  
 „ Tractatu 9. disp. 3. sect. 2. num. 39. Ex  
 „ Burghemb. cent. 1. casu 59. quia virginitas  
 „ corporis tantum integritatem significat :  
 „ sed haec opinio & *laxa nimis* est , & lae-  
 „ dens communem sensum , „ Et pag. 117. in  
 „ catalogo propositionum , quas recenset  
 „ ut damnabiles . „ Probabile est , cum , qui  
 „ vovit virginitatem , non teneri ad perpe-  
 „ tuam castitatem : sed tantum ad servan-  
 „ dam integritatem carnis , quam illa vox  
 „ virginitatis proprie significat . Marin  
 „ tract. 9. disp. 3. sect. 2. num. 39.

Quid tu ad haec ? „ Qui legunt , in-  
 „ quis , recitata verba Patris Concinae cer-  
 „ tissime duo existimabunt . Primum ; Pa-  
 „ trem Marin loqui indiscriminatim uni-  
 „ versaliter , & nulla adhibita distinctione  
 „ *de quocumque* vovente virginitatem , & de  
 „ quocumque pronunciare , probabile esse ,  
 „ illum non teneri ad castitatem . Secun-  
 „ dum : Patrem Marin docere in *sensu abso-*  
 „ *luto* propositionem , quae offertur ut da-  
 „ mnanda , sine ulla conditione adjecta ,  
 „ quae illam temperet , & reddat condi-  
 „ tionalem . Repetant , oro , lectores cita-  
 „ ta verba , & sibi metipsis dicant , an non  
 „ statim imbibant animo haec duo , quae  
 „ di-

„ dixi . Porro utrumque falsissimum est „ .

Deinde duo Marin sumpsisse demonstras . Primum est , hoc differre inter virginitatem , & castitatem , quod prior , quae sita est in corporis integritate , primo quoque amittitur impudicitiae crimine ; castitati autem , quae omnes cohibet obscaenas voluptates , locus esse possit , etiam amissa virginitate . Alterum est , quod licet non omnes norint hanc differentiam , & ideo qui unam vovet , utramque vovere putandus sit , fieri tamen possit , ut qui eam differentiam agnovit ita voveat virginitatem , ut non una voveat castitatem : „ His positis , in-  
 „ quis , quando Pater Marin docet esse ,  
 „ probabile , voventem virginitatem non  
 „ teneri ad castitatem , non docet hoc indif-  
 „ criminatim , & universaliter de *quocum-*  
 „ *que vovente* ; sed determinate de eo solo ,  
 „ qui novit significationem propriam illius  
 „ vocis , & discrimen inter unum votum , &  
 „ aliud ; & praelucente ejusmodi notitia ,  
 „ votum emisit . Loquens vero de eo vo-  
 „ vente , qui haec non novit , ut commu-  
 „ niter sunt juvenes , & puellae , apertissi-  
 „ me docet , hunc teneri ad castitatem , ut  
 „ statim ex ejus verbis perspicuum fiet . De-  
 „ mum propositionem , quam P. Concina  
 „ , trun-

„ truncate recitat , non profert in sensu ab-  
„ soluto , quem praebet ut truncata refer-  
„ tur ; sed temperat adjecta conditione ,  
„ quae reddit illam conditionem . Audia-  
„ mus ipsum loc. cit. *Nihilominus probabile*  
„ *est , eum , qui vovit virginitatem , non*  
„ *teneri ad perpetuam castitatem , sed tan-*  
„ *tum ad servandam integritatem carnis ,*  
„ *quam illa vox virginitatis proprie signifi-*  
„ *cat: NISI CONSTET FUISSE ALIAM MENTEM VO-*  
„ *VENTIS; AUT IGNORASSET HANC SIGNIFICATIO-*  
„ *NEM VOCIS.* Verba majusculis characteribus  
„ scripta duo evidenter ostendunt . Osten-  
„ dunt primo , P. Marin non loqui indiscri-  
„ minatim , & universaliter de *quocumque*  
„ *vovente virginitatem* , sed solum de eo ,  
„ qui novit significationem vocis . Osten-  
„ dunt secundo , doctrinam P. Marin non  
„ esse illam absolutam , quam praefert pro-  
„ positio mutilata ; sed esse hanc conditio-  
„ natam : *probabile est non teneri ad castita-*  
„ *tem , si novit significationem vocis : si ve-*  
„ *ro significationem vocis ignoravit , non est*  
„ *probabile* . Et tamen illa verba , quae  
„ adeo immutant sententiam Patris Marin ,  
„ eamque adeo temperant , a Patre Conci-  
„ na , qui rancidulam cationem pluries  
„ propulsavit , ut ridiculam , detruncata  
„ sunt .

„ sunt . Sed pergamus audire Patrem Ma-  
 „ rin , qui sese ulterius explicat numero  
 „ immediate sequenti . *Verius judico cum*  
 „ *Moya tom. 1. tract. 2. disp. 1. quaest. 2.*  
 „ *num. 8. Distinguendum taliter : si vovens*  
 „ *agnovit differentiam inter votum virgini-*  
 „ *tatis , & castitatis ; votum virginitatis*  
 „ *solum est parziale , obligans solum ad in-*  
 „ *tegritatem corporalem servandam . Si*  
 „ *non agnovit differentiam , est votum to-*  
 „ *tale ; quia si non agnovit differentiam , ut*  
 „ *communiter accidit puellis , & juvenibus*  
 „ *ad totalem castitatem censentur obligari .*  
 „ Doctrina P. Marin talis ne est , qualem  
 „ ego depinxi , an qualem depinxit P. Con-  
 „ cina ? Lectores judicent , .

Non recuso, quominus lectores judicent,  
 quinimmo vehementer cupio, modo prius in-  
 telligant quemadmodum doctrinam Marini  
 depinxerit P. Concina , & utrum quidquam  
 eorum omiserit , quae tu ad eam recte ex-  
 plicandam pertinuisse dicis . Adverte ani-  
 mum Noceti , nam ne te quidem judicem  
 hac in re esse recuso : post verba enim abs te  
 recitata pergit Concina hoc modo : „ Sub-  
 „ dit tamen idem Marin num. 40. ex Moya  
 „ distinguendum esse . Si vovens , inquit ,  
 „ agnovit discrimen castitatem inter & vir-  
 „ gi-



„ ginitatem ; tunc ad virginitatem partia-  
„ liter , seu ad solam carnis integritatem  
„ exteriorē adstringitur . Si non agnovit ,  
„ ut communiter in puellis accidit ; ad to-  
„ talem castitatem obligatur . In dubio au-  
„ tem , inquit ille , num agnoverit tale dis-  
„ crimen , censendum est illud agnovisse ;  
„ & consequenter , amissa per actum tur-  
„ pem virginitate , non peccare in delecta-  
„ tione morosa venerea contra votum . Hæc  
„ earum speculationum una est , quas ali-  
„ quando exercitii gratia aliqui novi Theo-  
„ logi sibi effingunt . Nemo enim fidelium  
„ etiam doctiorum , ad hæc attendit di-  
„ stinctionum spectra , dum virginitatis vo-  
„ tum emittit ; sed , cum absolute virgini-  
„ tatem Deo spondet , animi , & corporis  
„ puritatem adpromittit . Quare tanquam  
„ improbabilem hanc reiicimus opinio-  
„ nem , , . Judicent nunc lectores de Con-  
„ cinae fide . Illud ego abs te homine Religio-  
„ so , & vindice veritatis requiro , quid de tua  
„ judicandum putes ? Nam quum tam clarum,  
„ & perspicuum Concinae locum omiseris ,  
„ ut viam tibi ad eum accusandum aperires ,  
„ potes ne , ea te fide istum accusationis libel-  
„ lum confecisse negare , qua illum ipsum in  
„ perscribenda morali Theologia scribis fuisse  
„ versatum ?

Di-

Dices, opinor hanc eandem propositionem referri a Concina pag. 117. in catalogum damnabilium detractis extremis verbis, *nisi constet fuisse* &c.

Sit ita. Nam quamquam hac de re saepe tibi responderim, & cum propositio opportuno loco recte explicatur, nullam esse ostenderim de catalogis conquerendi causam, praesertim, cum id omissum fuit, quod nihilo tolerabiliorem reddit opinionem; dabo tamen in hac describenda, ne in catalogo quidem ea verba debuisse praetermitti. Quid igitur? An idcirco muneri tuo satisfecisti? Non puto; nam cur utrumque locum initio capitis descripsisti? Cur, postquam quaestus es de catalogo, lectores non monuisti, eam propositionem opportuno loco ab Concina recte explicari, ut, quia non tam quemadmodum describatur, quam quemadmodum sententia quaeque confutetur considerare convenit, nihil ab eo actum esse mala fide intelligerent? Haec ut faceres illa fides postulabat, quam in Concina desiderare te dicis.

CXLVI. Hujus est simile quod opponis cap. *De Marino is-*  
xxvi. eandem propositionem in indice hujus *rum.*  
voluminis semel, & iterum ita indicati, ut  
duo hujus Casuistae videantur errata. Nam

ut

ut omittam, tibi exploratum non fuisse, a quo indices essent confecti, & idcirco non licuisse vitio dare Concinae, quod ignorares, utrum ab eo esset profectum, quis quæso miretur, bis poni in indice voluminis id, de quo bis in ipso volumine agitur, aut disputatur? Forte etiam is, qui indices confecit, magnum esse judicavit erratum hujus Casuistæ, præsertim, quod ejus opinione, qui voverunt virginitatem, & dubitant, an una voverint castitatem, solum obligantur ad minus, ex sæpe dictis, ideoque post amissam virginitatem non peccabunt contra votum in delectatione morosa, magnum inquam, ut est, aut duplex erratum esse putavit, & ideo, quo facilius a lectoribus animadverti posset, bis indicandum existimavit. Hoc tu si ferre non potes, & valde Marino, qui Romæ damnatus est, injuriosum putas, lectores credere, eum bis errasse, facile alterutrum ex indice locum tolli impetrabis, modo, si quod in indice vitium est, id ei, qui fecit, non Concinae, qui non fecit, tribuendum putes.

At de indicibus, eorumque auctore hoc etiam habeto, non satis eum diligentem fuisse in iis conficiendis, cum pleraque indicare omiserit, quæ si omissa non fuissent,